











*Approved as a Text Book for use in H. E. Schools  
in Eastern and Western Bengal both. Vide,  
Cal. Gazette 23rd. Aug. 1923.*

# কাব্য-কলিকা

## প্রথম ভাগ

উত্তরপাড়া কলেজের অধ্যক্ষ

শ্রীযোগেন্দ্রনাথ মিত্র, এম, এ, বি, এল,

সঙ্কলিত

দশমুদ্রাসংস্করণ

CALCUTTA  
SEN BROTHERS & CO.  
BOOKSELLERS AND PUBLISHERS  
8 & 9, COLLEGE STREET

1923

[ কাপড়ে বাঁধাই ৥৮০ আনা

**PUBLISHED BY B. N. SEN.**  
**8 & 9 COLLEGE STREET**  
**CALCUTTA.**

**KUNTALINE PRESS**  
**61, BOWBAZAR STREET, CALCUTTA.**  
**PRINTED BY P. C. DASS.**

# সূচীপত্র

## প্রথম খণ্ড

পত্রাঙ্ক

১। স্তোত্র ...	ঈশ্বরচন্দ্র গুপ্ত ...	১
২। প্রভাত ...	স্বর্ণকুমারী দেবী ...	৪
৩। মধ্যাহ্ন ..	ঐ ..	৭
৪। আষাঢ় ..	রবীন্দ্রনাথ ঠাকুর ..	৯
৫। কৈলাস বর্ণন ...	ভারতচন্দ্র রায় ..	১১
৬। যক্ষেব আলয় ...	দ্বিজেন্দ্রনাথ ঠাকুর ..	১৩
৭। স্পর্শমণি ..	রবীন্দ্রনাথ ঠাকুর ...	১৫
৮। কোন ব্যক্তি আমার বন্ধু নয় ...	যদুগোপাল চট্টোপাধ্যায় ...	১৭
৯। মামুষ কে ...	ঈশ্বরচন্দ্র গুপ্ত ...	১৯
১০। চৈতন্যের সন্ন্যাস ...	শিবনাথ শাস্ত্রী ..	২১
১১। ভ্রাতৃত্বভক্তি ...	কুন্তিবাস ..	২৬
১২। উপমন্যুর উপাখ্যান ..	কালীরামদাস ..	২৯
১৩। পাণ্ডবদের বনগমন ..	ঐ ...	৩২
১৪। দ্রোণদী-যুধিষ্ঠির সম্বাদ ..	ঐ ..	৩৪
১৫। সীতাহরণে রামের • বিলাপ ..	কুন্তিবাস ...	৩৮
১৬। লক্ষ্মণের শক্তিশেলে রামের বিলাপ ...	ঐ ...	৪১
১৭। লজ্জাবতী লতা ..	হেমচন্দ্র বন্দ্যোপাধ্যায় ...	৪৩
১৮। জলে কুল ...	বঙ্কিমচন্দ্র চট্টোপাধ্যায় ...	৪৫
১৯। আশীর্বাদ ..	রবীন্দ্রনাথ ঠাকুর ..	৪৭
২০। কোকিল ..	হেমেন্দ্রপ্রসাদ ঘোষ ..	৪৯
২১। আলোক ...	বরদাচরণ মিত্র ...	৫১
২২। অন্ধকার ...	ঐ ..	৫৩
২৩। সমুদ্র-কেনার প্রতি ...	যতীন্দ্রমোহন বাগচী ...	৫৫
২৪। স্বদেশ আমার ..	দ্বীচেন্দ্রলাল রায় ...	৫৭



## দ্বিতীয় খণ্ড

পত্রাঙ্ক

১। জয় জগদীশ জয়	...	হেমচন্দ্র বন্দ্যোপাধ্যায়	...	৫২
বলরে বদনে	...	দেবেন্দ্রনাথ সেন	...	৬
২। { মা	...	সুরেন্দ্রনাথ মজুমদার	...	৬১
{ মাতা	...	নবীনচন্দ্র সেন	...	৬২
৩। পলাশির যুদ্ধ ..	...	রবীন্দ্রনাথ ঠাকুর	...	৬৬
৪। কাঙালিনী	...	হেমচন্দ্র বন্দ্যোপাধ্যায়	...	৬৯
৫। আশাকানন ..	...	বিহারিলাল চক্রবর্তী	...	৭৩
৬। হিমালয়	...	মানকুমারী বসু	...	৭৯
৭। দেবঘর ...	...	হেমচন্দ্র বন্দ্যোপাধ্যায়	...	৮৪
৮। কাশী দৃশ্য	...	যোগীন্দ্রনাথ বসু	...	৮৮
৯। স্মারতবর্ধের মানচিত্র	...			
১০। অন্নদার ভবানন্দ-				
ভবনে যাত্রা	...	ভারতচন্দ্র রায়	...	৯৪
১১। অন্নদার জরতীবেশ	...	ঐ	...	৯৮
১২। ক্রৌপদীর স্বয়ম্বর	...	কাশীরাম দাস	...	৯৯
১৩। ঐকৃষ্ণের বাল্যস্মৃতি	...	নবীনচন্দ্র সেন	...	১০৫
১৪। দশরথের প্রতি কৈকেয়ী	...	মাইকেল মধুসূদন দত্ত	...	১০৯
১৫। মাতৃস্মরণে থল্লনার আক্ষেপ	...	মুকুন্দরাম চক্রবর্তী	...	১১৩
১৬। উত্তরার স্বপ্ন-কথন	...	নবীনচন্দ্র সেন	...	১১৪
১৭। বুকের উপদেশ	...	ঐ	...	১১৬
১৮। লক্ষ্মণের শক্তিশেল	...	মাইকেল মধুসূদন দত্ত	...	১১৯
১৯। প্রমীলার চিতারোহণ	...	ঐ	...	১২২
২০। বৃত্তসংহার	...	হেমচন্দ্র বন্দ্যোপাধ্যায়	...	১২৬

# কাব্য-কলিকা

—:o:—

প্রথম খণ্ড

—\* ১ \*—

স্তোত্র

- জয় ভগবান্ সৰ্বশক্তিমান্  
জয় জয় ভবপতি !
- কাঁব প্রাণিপাত এই কর নাথ—  
তোনাতেই থাকে মতি । ৬
- অখিল সংসার রচনা তোমার  
যে দিকে ফিরাই আঁখি,  
অতি অপক্লপ, হেবে তব ক্লপ,  
বিমোহিত হয়ে থাকি ! ৮
- আকাশ সাগর, গহন শিখর,  
দৃষ্টি করি আমি যাহে,  
হেন জ্ঞান হয়, ওহে দয়াময়,  
বিরাজিত তুমি তাহে । ১২

## দ্বিতীয় খণ্ড

পত্রাঙ্ক

১। জয় জগদীশ জয়			
বলরে বদনে	...	হেমচন্দ্র বন্দ্যোপাধ্যায়	৫২
২। { মা	...	দেবেন্দ্রনাথ সেন	৬১
{ মাতা	...	সুরেন্দ্রনাথ মজুমদার	৬১
৩। পলাশির যুদ্ধ	...	নবীনচন্দ্র সেন	৬২
৪। কাঙালিনী	...	রবীন্দ্রনাথ ঠাকুর	৬৬
৫। আশাকানন	...	হেমচন্দ্র বন্দ্যোপাধ্যায়	৬৮
৬। হিমালয়	...	বিহারিলাল চক্রবর্তী	৭৩
৭। দেবঘর	...	মানকুমারী বসু	৭২
৮। কাশী দৃশ্য	...	হেমচন্দ্র বন্দ্যোপাধ্যায়	৮৪
৯। ভারতবর্ষের মানচিত্র	...	যোগীন্দ্রনাথ বসু	৮৮
১০। অন্নদার ভবানন্দ-			
ভবনে ষাত্রা	...	ভারতচন্দ্র রায়	৯৫
১১। অন্নদার জরতীবেশ	...	ঐ	৯৮
১২। ক্রৌপদীর স্বয়ম্বর	...	কাশীরাম দাস	৯৯
১৩। শ্রীকৃষ্ণের বাল্যস্মৃতি	...	নবীনচন্দ্র সেন	১০৫
১৪। দশরথের প্রতি কৈকেয়ী	...	মাইকেল মধুসূদন দত্ত	১০৯
১৫। মাতৃস্মরণে থুলনার আক্ষেপ	...	মুকুন্দরাম চক্রবর্তী	১১৩
১৬। উত্তরার স্বপ্ন-কথন	...	নবীনচন্দ্র সেন	১১৪
১৭। বুজ্জের উপদেশ	...	ঐ	১১৬
১৮। লক্ষ্মণের শক্তিশেল	...	মাইকেল মধুসূদন দত্ত	১১৯
১৯। অমীলার চিতারোহণ	...	ঐ	১২২
২০। বৃত্তসংহার	...	হেমচন্দ্র বন্দ্যোপাধ্যায়	১২৬

# কব্য-কলিকা

—:০:—

প্রথম খণ্ড

—\* ১ \*—

স্তোত্র

জয় ভগবান্ সৰ্বশক্তিমান্

জয় জয় ভবপতি !

করি প্রাণপাত এই কর নাথ—

তোমাতেই থাকে মতি ।

৪

অখিল সংসার রচনা তোমার

যে দিকে ফিরাই আঁপি,

অতি অপকৃপ, হেরে তব রূপ,

নিমোহিত হ'য়ে থাকি !

৮

আকাশ সাগর, গহন শিখর,

দৃষ্টি কবি আমি যাহে,

হেন জ্ঞান হয়, ওহে দয়াময়,

বিরাজিত তুমি তাহে ।

১২

পৃথিবী সলিল,	অনল অনিল,	
রবি শশী গ্রহ তারা,		
নিয়ম তোমার	করিয়া প্রচার	
পরিচয় দেয় তারা ।		১৬
কুসুম-কেশরে	ভ্রমর বিহরে	
সুখে করে মধুপান ;		
নানা রাগ-ভরে	গুন্ গুন্ স্বরে	
করে তব গুণ গান ।		২০
কোকিল কলাপ	মধুর আলাপ	
করিছে, ধবিছে তান ;		
গুনে যায় ক্ষুধা,	তাড়াতে কি ক্ষুধা	
ক্ষরিছে, হবিছে প্রাণ !		২৪
যতেক খেচর	লয়ে সহচর,	
সহচরী সহ চরি,		
বসি তরু'পবে	কলরব করে,	
মরি মরি, আহা মরি !		২৮
কভু বনে চরে,	বিমানে বিহরে,	
কভু স্থলে করে মেলা ;		
নিজ নিজ ঝাঁকে	পাখী থাকে থাকে	
করিতেছে যেন মেলা ;		৩২
উদর ভরিয়া	আহার করিয়া	
প্রীত হ'য়ে গীত ধরে,		

কি কহিব আর, সে গানে তোমার

মহিমা প্রচার করে !

৩৬

শাখিশাখা যত ফলভরে নত,

চরণে প্রণত তারা ;

পল্লব নড়িছে, সলিল পড়িছে—

দর দর প্রেমধারা !

৪০

যে পেয়েছে আঁখি দেখিতে কি বাকি,

কিছু আর তার আছে ?

মহিমা তোমার প্রকট প্রচার

সদা রয় তার কাছে ।

৪৪

ওহে ভবধব ! কি করিব স্তব,

মানস তিমির হর ;

অজ্ঞান নাশিয়া, তত্ত্বজ্ঞান দিয়া,

আমারে কৃতার্থ কর ।

৪৮

ঈশ্বরচন্দ্র গুপ্ত

## ভক্তিভাজন

রথযাত্রা, লোকারণ্য, মহাধুমধাম,

ভীক্তেরা লুটায় পথে করিছে প্রণাম ।

পথ ভাবে আমি দেব, রথ ভাবে আমি,

মূর্ত্তি ভাবে আমি দেব,—হাসে অন্তর্যামী ।

রবীন্দ্রনাথ ঠাকুর

—\* ২ \*—

## প্রভাত

১

অরুণ মুকুট শিরে  
অধরে উষার হাসি,  
পদতলে প্রস্ফুটিত  
শত শত ফুল-রাশি ।

৪

২

শুভ্র পরিমল বায়ে  
উথলিত তনু থানি,  
ধরায় চরণ দান  
করেন প্রভাত রাণী ।

৮

৩

আনন্দের কোলাহলে  
চারিদিক্ নিমগন,  
পাখী গায় আগমনী,  
হাসে বন উপবন ।

১২

৪

কম্পিত সরসী-হিয়া,  
মৃদু বুরু বুরু বায়,  
কমল কোমল আঁখি  
সুধীরে খুলিয়া চায় ।

১৬

৫

উপকূলে থরে থরে  
বায়ু ভরে ছলি ছলি,  
হরষে সরসে মুখ  
দেখিতেছে তরু-গুলি ।

২০

৬

শ্রাম শস্ত্র দুর্বাদল  
ভক্তিভরে লুয়ে লুয়ে,  
প্রণমে তাঁহারে স্মৃথে,  
ধরাতল ছুঁয়ে ছুঁয়ে ।

২৪

৭

শুভ্র অত্র জ্যোতির্ময়  
অরুণ-কিরণ মাখা,  
গাহিয়া উড়িছে পাখী  
বিছায়ে পেলব পাখা

২৮

৮

এসেছে তুলিতে ফুল  
বালিকা সাজিটি হাতে !  
ভুলে গেছে ফুল তোলা  
চেয়ে আছে নভ-পাতে !

৩২



৯

বালিকা দেখিছে চেয়ে,  
ফুল তোলা গেছে ভুলে,  
প্রতিধ্বনি গাহিতেছে  
সপ্তমে লহরী তুলে !

৩৬

১০

কোমল অমৃত সুরে  
বিভু নামে ওঠে তান,  
প্রভাত আনন্দে মগ্ন  
সে গীত করিয়ে পান !

৪০

স্বর্ণকুমারী দেবী

### পরোপকার

নদী কভু পান নাহি করে নিজ জল,  
তরুগণ নাহি খায় নিজ ফল ;  
গাভী কভু নাহি করে নিজ দুগ্ধ পান,  
কাষ্ঠ দগ্ধ হয়ে করে পরে অন্নদান ;  
স্বর্ণ করে নিজরূপে অপরে শোভিত,  
বংশী করে নিজস্বরে অপরে মোহিত ;  
শস্ত্র জন্মাইয়া নাহি খায় জলধরে,  
সাধুর ঐশ্বর্য শুধু পরহিত তরে ।

রজনীকান্ত সেন

—\*৩\*—

## মধ্যাহ্ন

নিশ্চর নিঝুম দিক্  
 শ্রান্তি ভরে অনিমিত্ত,  
 বসন্তেব দ্বিপ্রহর বেলা ;  
 রবির অনল কর  
 শীতলিতে কলেবর ৫  
 সরোবরে করিতেছে খেলা ।  
 বায়ু দহে শ্বন শ্বন,  
 বিকম্পিত উপবন,  
 ঘুঘু ডাকে সক্ররুণ ডাক ;  
 মাঝে মাঝে থেকে থেকে ১০  
 কোথা হতে ওঠে ডেকে  
 কঠোর গম্ভীর স্বরে কাক ।  
 নীল নীলিমার গায়  
 শাদা মেঘ ভেসে যায়,  
 চিল উড়ে পাতার সমান ; ১৫  
 চাতক যে ক্ষুদ্র পাখী  
 সক্ররুণ কঠে ডাকি  
 মেঘে চায় ডুবাইতে প্রাণ ।

মুকুলিত আশ্রশাথে,  
 পল্লবিত তরু থাকে, ২০  
 কুহু কুহু কোকিল কুহরে ;  
 হিল্লোলিত সরো কায়া,  
 ঘুমায় গাছের ছায়া,  
 গাভী নামি জলপান করে ;  
 এলোচূলে মেয়েগুলি ২৫  
 কলস কোমরে তুলি,  
 স্নান করি গৃহে ফিরে যায় ।  
 একটি রাখাল ছেলে  
 দূর মাঠে গরু ফেলে  
 কুঞ্জবনে বাঁশরী বাজায় ! ৩০

স্বর্ণকুমারী দেবী

### মূল

আগা বলে—আমি বড়, তুমি ছোট লোক !  
 গোড়া হেসে বলে, ভাই ভাল তাই হোক !  
 তুমি উচুে আছ বলে গর্বের আছ ভোর,  
 তোমারে করেছি উচু এই গর্ব মোর ।

রবীন্দ্রনাথ ঠাকুর

—\* ৪ \*—

আষাঢ়

নীল নবঘনে আষাঢ় গগনে,

তিল ঠাঁই আর নাহিরে ।

ওগো আজ তোরা যাস্নে, ঘরের

বাহিরে !

বাদলের ধারা ঝবে ঝব ঝর,

৫

আউষের ক্ষেত জলে ভর-ভর,

কালিমাখা মেঘে ওপারে আঁধার

ঘনিষ্ছে, দেখ চাহিরে !

ওগো আজ তোরা যাস্নে ঘরের

বাহিরে ।

১০

ওই ডাকে শোন ধেনু ঘনঘন,

ধবলীরে আন গোহালে !

এখনি আঁধার হবে, বেলাটুকু

পোহালে !

ছয়ারে দাঁড়িয়ে ওগো দেখ্ দেখি

১৬

মাঠে গেছে যারা তারা ফিরিছে কি ?

রাখাল বালক কি জানি কোথায়

সারাদিন আজি থোয়ালে !

এখনি আঁধার হবে, বেলাটুকু

পোহালে

২০

শোন শোন ঐ পারে যাবে বলে,  
 কে ডাকিছে বুঝি মাঝিরে ?  
 থেমা-পারাপার বন্ধ হয়েছে  
 আজিরে !

পূবে হাওয়া বয়, কূলে নেই কেউ,      ২৫  
 ছকুল বাহিয়া উঠে পড়ে ঢেউ,  
 দরদরবেগে জলে পড়ি জল  
 ছলছল উঠে বাজিরে !

থেমা-পারাপার বন্ধ হয়েছে  
 আজিরে !

ওগো আজ তোরা যাস্নেগো তোরা  
 যাস্নে ঘরের বাহিরে ।

আকাশ আঁধার, বেলা বেশী আর  
 নাহিরে !

ঝরঝরধারে ভিজিবে নিচোল,      ৩৫  
 ঘাটে যেতে পথ হয়েছে পিহল,  
 ওই বেহুৱন ছলে ঘনঘন  
 পথপাশে দেখ চাহিরে !

ওগো আজ তোরা যাস্নে ঘরের  
 বাহিরে ।      ৪০

রবীন্দ্রনাথ ঠাকুর

—\* ৫ \*—

## কৈলাস বর্ণন

- কৈলাস ভূধর                      অতি মনোহর  
কোটি শশী পরকাশ ।
- গন্ধর্ব্ব কিন্নব                      যক্ষ বিত্বাধর  
অম্বরগণের বাস ॥                      ৪
- তরু নানা জাতি                      লতা নানা ভাতি  
ফলে ফুলে বিকাসিত ।
- বিবিধ বিহঙ্গ                      বিবিধ ভূজঙ্গ  
নানা পশু স্ত্রশোভিত ॥                      ৮
- অতি উচ্চতরে                      শিখরে শিখরে  
সিংহ সিংহনাদ করে ।
- কোকিল ছন্দারে                      ভ্রমর ঝঙ্কারে  
মুনির মানস হবে ॥                      ১২
- মৃগ পালে পাল                      শার্দূল রাখাল  
কেশরী হস্তী শৃগাল ।
- ময়ূর ভূজঙ্গে                      ক্রীড়া করে রঙ্গে  
ইন্দ্রবে পোষে বিড়াল ॥                      ১৬
- সব পিয়ে স্ত্রধা                      নাহি তৃষ্ণা ক্ষুধা  
কেহ না হিংসয়ে কারে ।
- যে যার ভক্ষক                      সে তার রক্ষক  
কেহ কারে নাহি মায়ে ॥                      ২০

নাহি ভেদাভেদ      নাহিক বিচ্ছেদ

শত্রু মিত্র সমতুল ।

জরা মৃত্যু নাই      অপরূপ ঠাঁই

কেবল স্নেহের মূল ॥

২৪

চৌদিকে ছস্তর      সুধার সাগর

কল্লতরু সারি সারি ।

মণিবেদী পরে      চিত্তামণি ঘরে

বসি গৌরী ত্রিপুরারি ॥

২৮

নন্দী দ্বারপাল      ভৈরব বেতাল

কার্ত্তিকেয় গণপতি ।

ভূত প্রেত যক্ষ      ব্রহ্মদৈত্য রক্ষ

গণিতে কার শক্তি ॥

৩২

ভারতচন্দ্র

### ভিক্ষা ও উপার্জন

বসুমতি, কেন তুমি এতই ক্লপণা ?

কত খোঁড়াখুঁড়ি করি পাই শস্যকণা ।

বিনা চাষে শস্য দিলে কি তাহাতে ক্ষতি ?

শুনিয়া ঈষৎ হাসি কন্ বসুমতা—

আমার গোরব তাহে সানাত্তাই বাড়ে,

তোমার গোরব তাহে একেবারে ছাড়ে ।”

রবীন্দ্রনাথ ঠাকুর

—\* ৬ \*—

যক্ষের আলয়

কুবের-আলয় ছাড়ি,            উত্তরে আমার বাড়ী,  
 গিয়া তুমি দেখিবে তথায় ;  
 সম্মুখে বাহির-দ্বার,            শোভা কেবা দেখে তার,  
 ইন্দ্রধনু যেন শোভা পায় ।            ৪

পার্শ্বে এক সর্বোবরে,            জল থই থই করে,  
 শোভে তাহে নলিনীর হাট ।  
 উহার একটি ধারে,            অপরূপ দেখিবারে,  
 রমণীয় মণিময় ঘাট !            ৮

সরসীর স্বচ্ছ জলে,            ইতস্ততঃ দলে দলে,  
 ভ্রমে হংস হংসী অবিশ্রামে ।  
 যাইতে মানস-সরে,            কারো না মানস সরে,  
 আছে তারা এমনি আরামে ।            ১২

উদ্যানে একটি চারু,            শিশু পারিজাত-তরু,  
 বায়ু-কোলে হেলে পুষ্প হাসে ;  
 বহুবলে জল দিয়া,            বাড়ায়েছে তারে প্রিয়া;  
 স্নাতসম তেঁই ভালবাসে ।            ১৬

উচা ভূমি একধারে,            গিরিসম দেখিবারে,  
 নীলকান্তি শিখরে বিরাজে ;  
 স্বর্ণ-কদলী যত,            চারিধারে শোভে কত,  
 \* মেঘে যেন সৌদামিনী সাজে !            ২০



মাধবী-মণ্ডপ 'পরে,                      কুরুবক শোভা করে,  
 ফুল-গন্ধে ছোটে অলিকুল ;  
 লতায় পাতায় ঘেরা,                      আছয়ে সবার সেরা,  
 ছুটি গাছ অশোক বকুল ।

তাহার মাঝেতে আর,                      ময়ূরের বসিবার,  
 সোণার একটি আছে দাঁড়—  
 শিখী যথা কেকাভাবী,              সন্ধ্যাকালে বসে আসি,  
 আনন্দেতে উচা করি ঘাড় ।                      ২৮

তাহারে নাচায় প্রিয়া,                      করতালি দিয়া দিয়া,  
 রুণু রুণু বাজে তায় বালা ;  
 স্মরিলে সে সব কথা,                      মরমে জনমে ব্যথা,  
 জ্বলি উঠে হৃদয়ের জ্বালা ।

এ সকল নিদর্শনে,                      চিনিবে মুহূর্ত্ত ক্ষণে,  
 দেখে মাত্র মোর বাড়ী পানে ;  
 এবে উহা শূন্য-প্রায়,                      কমল না শোভা পায়,  
 কখনও দিবা-অবসানে ।

৩৬

—\* ৭ \*—

স্পার্শমণি

নদীতীরে বৃন্দাবনে, সনাতন একমনে

জপিছেন নাম ।

হেনকালে দীনবেশে, ব্রাহ্মণ চরণে এসে

করিল প্রণাম ।

৪

শুধালেন সনাতন, “ কোথা হ’তে আগমন,

কি নাম ঠাকুর ? ”

বিপ্র কহে, “ কিবা কব পেয়েছি দর্শন তব

ভ্রমি’ বহুবুঝ ।

৮

জীবন আমার নাম মানকরে মোর ধাম,

জিলা বর্ধমানে,

এত বড় ভাগ্যহত দীনহীন মোর মত

নাহি কোনখানে ।

১২

• জমিজমা আছে কিছু, করে আছি মাথা নীচু,

অল্প স্বল্প পাই ।

ক্রিয়াকর্ম যজ্ঞ যাগে বহু খ্যাতি ছিল আগে

আজ কিছু নাই ।

১৬

আপন-উন্নতি ল শিব কাছে বর মাগি

করি আরাধনা ।—

একদিন নিশি ভোরে স্বপ্নে দেব কন মোরে—

“পূরিবে প্রার্থনা ;

২০

যাও যমুনার তীর,                      সনাতন গোস্বামীর  
 ধরি দুটি পায়,  
 তারে পিতা বলি মেনো, তাঁরি কাছে আছে জেনো  
 ধনের উপায় ! ”                      ২৪

শুনি কথা সনাতন                      ভাবিয়া আকুল হন—  
 “ কি আছে আমার !  
 যাহা ছিল সে সকলি                      ফেলিয়া এসেছি চলি’  
 ভিক্ষামাত্র সার ! ”                      ২৮

সহসা বিস্মৃতি ছুটে,—                      সাধু ফুকরিয়া উঠে—  
 “ ঠিক বটে ঠিক !  
 একদিন নদীতটে                      কুড়ায়ে পেয়েছি বটে  
 পরশ মাণিক ! ”                      ৩২

যদি কভু লাগে দানে                      সেই ভেবে ওইখানে  
 পুতেছি বালুতে ;  
 নিয়ে যাও হে ঠাকুর                      হুঃখ তব হোক দূর  
 ছুঁতে নাহি ছুঁতে ! ”                      ৩৬

বিপ্র তাড়াতাড়ি আসি                      খুঁড়িয়া বালুকারাশি  
 পাইল সে মণি ;  
 লোহার মাহুলি ছুটি                      সোনা হয়ে উঠে ফুটি’  
 ছুঁইল যেমনি !                      ৪০

ব্রাহ্মণ বালুর পরে                      বিস্ময়ে বসিয়া পড়ে,—  
 ভাবে নিজের নিজে ।

যমুনা কল্লোলগানে চিস্তিতের কানে কানে

কহে কত কি যে !

৪৪

নদীপারে রক্তছবি দিনাস্তের ক্লান্ত রবি

গেল অস্তাচলে,—

তখন ব্রাহ্মণ উঠে, সাধুর চরণে লুটে,—

কহে অশ্রু জলে,—

৪৮

“যে ধনে হইয়া ধনী, মগিরে মাননা মগি,

তাহারি খানিক

মাগি আমি নতশিরে !”—এত বলি নদীনায়ে

ফেলিল মাণিক !

৫২

রবীন্দ্রনাথ ঠাকুর

—\* ৮ \*—

কোন্ ব্যক্তি আমার বন্ধু নয়

?

বাহার প্রসাদে পেয়ে শরীর জীবন,

আনন্দে অবনী ধামে করে বিচরণ,

কৃতি, বহি, বায়ু আর সলিল, আকাশ,

প্রতিক্ষণ ধীর দয়া করিছে প্রকাশ,

সমুদয় স্রুথ যিনি করেন বিধান ,

৫

এমন দেখে যেই নহে ভক্তিমান,—

ধাক্ক তাহার বিদ্যা, বুদ্ধি অতিশয়,

সে জন আমার বন্ধু কখন ত নয় !

২

নিরাশ্রয় বাল্যকালে করিল পালন,  
 বিজ্ঞা শিখাইতে কত করিল যতন, ১০  
 কায়মনোবাক্যে শুভ করিয়া কামনা,  
 সতত ঈশ্বর-স্থানে করিছে প্রার্থনা  
 এমন জননী আর জনক স্থবির,  
 পুরুষ আচারে যার ফেলে নেত্র-নীর—  
 বলুক স্মৃতি তারে লোক সমুদয়, ১৫  
 সে জন আমার বন্ধু কখন ত নয় !

৩

যে দেশে লইয়া জন্ম, প্রিয় পরিজন—  
 সহ স্থখে নিবসতি করে অম্লক্ষণ ;  
 যে দেশের বিপদেতে হইবেক ক্ষতি,  
 ঘটবে মঙ্গল যার হইলে উন্নতি ; ২০  
 সমস্ত পৃথিবী মাঝে মনোহর ঠাই,  
 এমন স্বদেশ প্রতি প্রীতি যার নাই—  
 হউক প্রাধান্য তার ব্যাপ্ত বিশ্বময়,  
 সে জন আমার বন্ধু কখন ত নয় ।

৪

পরিশ্রমে অপারগ, বয়সে প্রাচীন, ২৫  
 অম্মাভাবে শীর্ণকায়, বদন মলিন,  
 ছিন্নবাস জাহ্নমাত্র আচ্ছাদন করে,  
 ভিক্ষা হেতু পথ হাঁটে কর-যাষ্টি-ভরে,

এমন ভিক্ষুক মুখে কাতর বচন

শুনিয়া বিরাগ ভরে ফিরাই বদন—

৩০

থাকুক অতুল তার বিভব বিষয়,

সে জন আমার বন্ধু কখন ত নয়।

যত্নগোপাল চট্টোপাধ্যায়

—\* ৯ \*—

## মানুষ কে

১

নিয়ত মানসে যার একরূপ ভাব,

• জগতের সুখে সুখ, দুঃখে দুখ লাভ,

পরপীড়া পরিহার পূর্ণ পরিতোষ,

সদানন্দে পরিপূর্ণ নাহি বৃথা রোষ,

নাহি চায় আপনার পরিবার-সুখ,

৫

দেশের মঙ্গল কার্যে সদা হান্ত মুখ,

কেবল পরের হিতে সুখলাভ যার,

মানুষ তারেই বলি, মানুষ কে আর ?

২

নাহি চায় রাজ-পদ, নাহি চায় ধন,

স্বর্গের সমান দেখে বন উপবন,

১০

• পৃথিবীর সমুদয় নিজ পরিজন,

সন্তোষের সিংহাসনে বাস করে মন,

আত্মার সহিত সব তুল্য মনে গণে,  
 স্বজাতি বা ভিন্ন জাতি ভেদ নাহি মনে,  
 সকলি সমান, মিত্র শত্রু নাহি যার, ১৫  
 মানুষ তারেই বলি, মানুষ কে আর ?

৩

অহঙ্কার-মদে নহে কভু অভিমানী,  
 সর্বদা রসনা-রাজ্যে বাস করে বাণী,  
 ভুবন ভূষিত সদা বক্তৃতার বশে,  
 শত্রু মিত্রে পরিণত রসনার রসে,  
 মিথ্যার কাননে কভু ভ্রমে নাহি ভ্রমে,  
 কদাচ প্রতিজ্ঞা-ভঙ্গ নহে কোন ক্রমে,  
 অমৃত নিঃসৃত হয় প্রতি বাক্যে যার,  
 মানুষ তারেই বলি, মানুষ কে আর ?

৪

মঙ্গলের প্রতি সদা প্রেম অতিশয়, ২৫  
 কদাচ না করে তাহে জীবনের ভয়,  
 স্বার্থ ত্যাগি অস্ত্র তরে সদা পরিক্রমে,  
 জীবের কল্যাণ হেতু নানাস্থানে ভ্রমে,  
 দুর্গম সুগম স্থল বিবেচনা নাই,  
 চিন্তার সহিত নিদ্রা থাকে এক ঠাই, ৩০  
 সন্তত গলায় পরে করুণার হার,  
 মানুষ তারেই বলি, মানুষ কে আর ?

চেষ্টা-যত্ন-অনুরাগ মনের বান্ধব,  
 আলস্য তাদের কাছে মানে পরাভব,  
 বিপন্নে দেখিবামাত্র আয় আয় ডাকে, ৩৫  
 পরিশ্রম প্রতিজ্ঞার সঙ্গে সঙ্গে থাকে,  
 চেষ্টায় স্নান করে সমুদয় আশা,  
 যতনে হৃদয়ে যার বাসনার বাসা,  
 স্মরণ স্মরণমাত্র আজ্ঞাকারী যার,  
 মানুষ তারেই বলি, মানুষ কে আর ? ৪০

ঈশ্বরচন্দ্র গুপ্ত

—\* ১০ \*—

## চৈতন্যের সন্ন্যাস

১

আজি শচী মাতা	কেন চমকিলে ?
ঘুমাতে ঘুমাতে	উঠিয়া বসিলে ?
লুপ্তিত অঞ্চলে	নিম্ন নিম্ন বলে,
দ্বার খুলি মাতা	কেন বাহিরিলে ?

“বউমা ! বউমা !	ঘুমা’ওনা আর !
উঠ অভাগিনি !	দেখ একবার ;
•প্রাণের নিমাই	বুঝি ঘরে নাই ;
বুঝিবা পলাল	করি অন্ধকার !”



৩

তাই বটে, হায় !  
 রয়েছে নিদ্রিত  
 শূণ্য পড়ি ঘর ;  
 গেছে গেছে করে

বধু একাকিনী  
 সরলা কামিনী ;  
 “কোথা প্রাণেশ্বর !”  
 উঠে বিনোদিনী । ১২

৪

“সে কি বল বউ !  
 হা মোর নিমাই  
 পাগলিনী প্রায়,  
 নাম ধরে কত

ওমা সে কি কথা !  
 পলাইল কোথা ।”  
 দ্বারে গিয়া হায়,  
 ডাকিলেন মাতা ! ১৬

৫

ডাকেন জননী  
 প্রতিধ্বনি বলে,  
 ডাকিছেন যত,  
 উথলিয়া উঠে ;

নিমাই ! নিমাই !  
 “নাই নাই নাই” ;  
 শোক-সিদ্ধু তত  
 কোথারে নিমাই ! ২০

৬

গভীর নিশীথে  
 সেই প্রতিধ্বনি  
 ভাবেন জননী  
 ডাকেন উৎসাহে

দূর গ্রামান্তরে,  
 “যাই যাই” করে ;  
 আসে গুণমণি  
 হরিষ অন্তরে । ২৪

৭

নিমাই ! নিমাই !  
পাগলিনী হলে  
কঁাদ মা জননি !  
আধারে লুকায়ে

হা মাতা সরলে,  
সকলেই ছলে ;  
তব গুণমণি  
ওই গেল চলে । ২৮

৮

শচী মাতা কঁাদে,  
বিমুগ্ধারা ঘারে,  
দাঁড়ায়ে ললনা,  
বিন্দু বিন্দু অশ্রু

ঘর ফেটে যায়,  
পুতলীর প্রায়,  
বিষন্ন-বদনা,  
পড়িতেছে পায় । ৩২

৯

রজনী পোহাল  
শচীর ক্রন্দন  
উঠি প্রতিবাসী  
“কি হইল” বলি

দিক্ প্রকাশিল,  
গগনে উঠিল ;  
দ্বরা করি আসি  
ঘারেতে ডাকিল । ৩৬

১০

ঘরে আসি দেখে  
সে প্রসন্ন মুখ  
শিরে কর দিয়ে  
“হায় কি হইল !”

সে ঘর আধার !  
সেথা নাহি আর !  
পড়িল বসিয়ে ;  
মুখেতে সবার । ৪০

১১

এদিকেতে গোরা	নিজবেগে ধায়,	
কেশব ভারতী	আছেন যথায় ;	
হরি-গুণ গান	করি পথে যান,	
প্রেমের সাগর	উথলিয়া যায় ।	৪৪

১২

নিশিতে ডাকিলে	লোকে ধায় যথা	
নিজ মনে গোরা	চলিয়াছে তথা ;	
পাপীর ক্রন্দন	করিছে অবগ,	
আর বার ভাবে	জননীর কথা ।	৪৮

১৩

বলেন সঘনে,	“কোথা দয়াময় !	
রহিলা জননী,	ক’রো যাহা হয় ;	
আমি ঘারে ঘারে	ঘুমিষ তোমারে	
এ দেহে জীবন	যত কাল রয় ।	৫২

১৪

নির্মল-প্রকৃতি	সরলা সুবতী	
ঘরে আছে জায়া	পতিব্রতা সতী ;	
তারে দয়া করি	তবে দেখো হরি ॥	
ক’রো ক’রো নাথ !	তাহার সদগতি ।	৫৬

১৫

প্রিয় নবদ্বীপ !  
ছেড়ে যাই আমি  
হরি সংকীৰ্ত্তনে  
জুড়ায়েছি আমি

প্রিয় ভাগীরথি !  
দেও অমুমতি !  
তোমা ছই জনে  
যেমন শকতি ।” ৬০

১৬

এত বলি গোরা  
নদেপুরী শোকে  
কারে কি যে কর,  
দেখে শুনে কবি

নদে ছাড়ি যায়,  
করে হায় হায় !  
জান হে ঈশ্বর !  
হত-বুদ্ধি প্রায় । ৬৪

শিবনাথ শাস্ত্রী

## সার্থকতা

মহাবীর শিখ এক, পথ বহি যায়,  
পথ পার্শ্বে কুষ্ঠ-রোগী পড়িয়া ধরায় ;  
বেদনায় হতভাগ্য করিছে চীৎকার,  
কতস্থান বহি’ তার পড়ে রক্তধার ।  
দেখিয়া বীরের মনে দয়া উপজিল,  
শিরজ্ঞান খুলি’ তার কত বাধি দিল ;  
শিরজ্ঞান কহে,—“মাথে ছিলাম নগণ্য,  
কুষ্ঠীর চরণে প’ড়ে হইলাম ধন্ত ।”

রজনীকান্ত সেন

—\* ১১ \*—

## ভ্রাতৃভক্তি

শ্রীরাম লক্ষণ আর জনকের বাল।

বসতি করেন নির্ঝাইয়া পর্ণশালা ॥

তার দ্বারে বসিয়া আছেন রঘুবীর ।

জানকী তাহার মধ্যে লক্ষণ বাহির ॥

হেনকালে ভরত শক্রয় দীনবেশে ।

৫

শ্রীরামের আশ্রমেতে যাইয়া প্রবেশে ॥

গলবস্ত্র ভরত নয়নে বহে নীর ।

পথ পর্য্যটনে অতি মলিন শরীর ॥

পড়িলেন শ্রীরামের চরণ কমলে ।

আনন্দে শ্রীরাম তাঁরে লইলেন কোলে ॥

১০

ভরত কহেন ধরি রামের চরণ ।

কার বাক্যে রাজ্য ছাড়ি বনে আগমন ॥

বামা জ্ঞাতি স্বভাবতঃ বামা বৃদ্ধি ধরে ।

তার বাক্যে কে কোথা গিয়াছে দেশান্তরে ॥

অপরাধ ক্ষমা কর চল প্রভু দেশ ।

১৫

সিংহাসনে বসিয়া ঘুচাও মনঃক্লেশ ॥

অযোধ্যাভূষণ তুমি অযোধ্যার সার ।

তোমা বিনা অযোধ্যা দিবসে অন্ধকার ॥

চল প্রভু অযোধ্যার লহ রাজ্যভার ।

দাসবৎ কৰ্ম করি আজ্ঞা অনুসার ॥

২০

শ্রীরাম বলেন, তুমি ভরত পণ্ডিত ।

না বুঝিয়া কেন বল এ নহে উচিত ॥

মিথ্যা অল্পযোগ কেন কর বিমাতার ।

বনে আইলাম আমি আজ্ঞায় পিতার ॥

চতুর্দশ বৎসর পালিয়া পিতৃবাক্য ।

২৫

অযোধ্যা যাইব আমি দেখিবে প্রত্যক্ষ ॥

শ্রীরামেরে বলেন বশিষ্ঠ মহাশয় ।

ভরতের প্রতি রাম কি অমৃজ্ঞা হয় ॥

তোমা বিনা ভরতের আর নাহি গতি ।

বুঝিয়া ভরতে রাম কর অমুমতি ॥

৩০

শ্রীরাম বলেন মুনি হইলাম স্মৃখী ।

প্রাণের অধিক আমি ভরতেরে দেখি ॥

ভরতে আমাতে নাহি করি অণুভাব ।

ভরতের রাজত্বে আমার রাজ্যলাভ ॥

যাও ভাই ভরত হরিত অযোধ্যায় ।

৩৫

মন্ত্রিগণ লয়ে রাজ্য করহ তথায় ॥

সিংহাসন শূন্য আছে ভয় করি মনে ।

কোন শত্রু আপদ ঘটাবে কোন ক্ষণে ॥

তোমারে জানাব কত আছ যে বিদিত ।

বিবেচনা করিবা সর্বদা হিতাহিত ॥

৪০

‘চতুর্দশ বৎসর জানহ গত প্রায় ।

চারি ভাই একত্র হইব অযোধ্যায় ”

যোড়হাতে ভরত বলে সবিনয় ।  
 কেমনে রাখিব রাজ্য মম কার্য্য নয় ॥  
 তোমার পাছুকা দেহ করি গিয়া রাজা । ৪৫  
 তবে সে পারিব রাম পালিবারে প্রজা ॥  
 তোমার পাছুকা যদি থাকে রাম ঘরে ।  
 ত্রিভুবনে আমার কি করে কার ভরে ॥  
 শ্রীরাম বলেন, হে ভরত প্রাণাধিক ।  
 পাছুকা লইয়া যাও কি কব অধিক ॥”  
 নন্দীগ্রামে পাট করি কর রাজকার্য্য ।  
 সাবধান হইয়া পালিহ পিতৃরাজ্য ॥  
 শ্রীরামের পাছুকা ভরত শিরে ধরে । ‘  
 ভাবে পুলকিত অঙ্গ প্রফুল্ল অন্তরে ॥  
 পাছুকার অভিষেক করিয়া তথায় । ৪৬  
 চলিলেন ভরত শ্রীরামের আজ্ঞায় ॥

কৃত্তিবাস

### নিজের ও সাধারণের

চন্দ্র কহে,—বিখে আলো দিযেছি ছড়ায়ে,  
 কলক যা আছে, তাহা আছে মোর গায়ে ।

—\* ১২ \*—

## উপমন্যুর উপাখ্যান

অবস্খীনগরে দ্বিজ ছিল একজন ।  
 তাঁর স্থানে শিষ্যগণ করে অধ্যয়ন ॥  
 এক শিষ্যে দ্বিজ গাভী কৈল সমর্পণ ।  
 গুরু আজ্ঞা পেয়ে তারে করেন রক্ষণ ॥  
 কতদিনে বলে গুরু কহ শিষ্যবর । ৫  
 বড় পুষ্ট দেখি যে তোমার কলেরর ॥  
 কিবা খাও কোথা পাও কহ সত্যবাণী ।  
 শুনিয়া বলেন শিষ্য করি জোড় পাণি ॥  
 গাভীগণ-দোহনাস্ত্রে পিয়ে বৎসগণ ।  
 পশ্চাতে খাই যে আমি করিয়া দোহন ॥ ১০  
 গুরু বলে, এতদিনে সব জানা গেল ।  
 এই হেতু বৎসগণ দুর্বল হইল ॥  
 আর কভু তুমি না করিহ হেন কাজ ।  
 গাভী দুহি খাও তুমি নাহি ভয় লাজ ॥  
 গুরু আজ্ঞা শুনি দ্বিজ গেল গাভী লৈয়া । ১৫  
 কতদিনে পুন বিপ্র কহিল ডাকিয়া ॥  
 উচিত কহিতে শিষ্য না হইও রুষ্ট ।  
 পুনশ্চ তোমারে বড় দেখি হষ্টপুষ্ট ॥  
 ভী-দ্রুত পুন বৃষি তুমি কর পান ।  
 শিষ্য বলে, গোসাঞি করহ অবধান ॥



যেই দিন হৈতে তুমি করিলা বারগণ ।  
ভিক্ষা করে নিত্য করি উদর পূরণ ॥  
গুরু বলে, ভিক্ষা করি পূরহ উদরে ।  
এবে ভিক্ষা করি সব আনি দিও মোরে ॥

এত শুনি গাভী লয়ে গেল দ্বিজবর ২৫  
পুন জিজ্ঞাসিল কত দিবস অন্তর ॥  
কহ শিষ্য বড় পুষ্ট দেখি তব কায় ।  
কি খাইয়া আছ এবে কহিবা আমায় ॥  
শিষ্য বলে, গাভী রাখি অরণ্য ভিতর ।  
রক্ষক রাখিয়া আমি যাই যে নগর ॥ ৩৯  
দিবসেতে যত ভিক্ষা দিই তব ঘরে ।  
সঙ্ক্যাতে মাগিয়া ভিক্ষা ভরি ঘে উদরে ॥  
হাসিয়া বলিল গুরু, এ কোন্ বিচার ।  
শ্রেষ্ঠ ভিক্ষা রাত্রে তুমি কর আপনার ॥  
রাত্রিদিবা যত পাও আনি দিও মোরে । ৩৫  
এত শুনি গাভী লয়ে গেল বন ঘোরে ॥

ক্ষুধায় আকুল তনু ভ্রমে বনে বন ।  
অর্কের কোমল পত্র করয়ে ভক্ষণ ॥  
বড়ই দুর্বল লৈল শীর্ণ হইল কায় ।  
দেখিতে না পায় তবু গোধন চরায় ॥ ৪০  
ভ্রমিতে ভ্রমিতে দেখ দৈবের লিখন ।  
নিরুদক-কূপ মধ্যে পড়িল ব্রাহ্মণ ॥

সমস্ত দিবস গেল হৈল সন্ধ্যাকাল ।

গৃহেতে আইল যত গোধনের পাল ॥

শিষ্যে না দেখিয়া গুরু দুঃখিত অন্তর ।

৪৫

অঘেষণে গেল দ্বিজ অরণ্য-ভিতর ॥

কোথা গেলে উপমহ্য ডাকে দ্বিজবর ।

উপমহ্য বলে, আমি কূপের ভিতর ॥

গুরু বলে, কূপ-মধ্যে পড়িলা কিমতে ।

উপমহ্য বলে, চক্ষে না পাই দেখিতে ॥

৫০

অর্কপত্র থাইয়া নয়ন অন্ধ হৈল ।

শুনিয়া আচার্য্য তবে উপদেশ কৈল ॥

• দেববৈষ্ণব অশ্বিনীকুমার দুইজন ।

শীঘ্র কর দ্বিজবর তাঁদের স্মরণ ॥

এত শুনি দ্বিজ বহু স্তবন করিল ।

৫৫

ততক্ষণে দুই চক্ষু নির্মল হইল ।

কূপ হৈতে উঠিয়া ধরিল গুরুপদ ।

সঙ্কট হইয়া গুরু কৈল আশীর্ব্বাদ ॥

চারি বেদ যত শাস্ত্র জানহ সকলে ।

যাহ দ্বিজ নিজ গৃহে পরম কুশলে ॥

৬০

আজ্ঞা পেয়ে গেল দ্বিজ আহ্লাদিত মনে ।

সর্ব্বশাস্ত্রে জ্ঞান হৈল গুরুর বচনে ॥

কালীরাম দাস

—\* ১৩ \*—

## পাণ্ডবগণের বনগমন

নগরের লোক যত করয়ে ক্রন্দন  
 ঘরে ঘরে কান্দে যত কুলবধুগণ ॥  
 বাল বৃদ্ধ যুবা কান্দে শিশুগণ পিছু ।  
 ক্রন্দনের শব্দ বিনা নাহি শুনি কিছু ॥ \*  
 নগরেতে মহাশব্দ—ক্রন্দনের রোল । ৫  
 প্রলয় কালেতে যেন সাগর-কল্লোল ॥  
 শুনিয়া হইল ব্যগ্র অন্ধ নৃপমণি ।  
 শীঘ্রগতি বিছুরে ডাকাইয়া আনি ॥  
 ধৃতরাষ্ট্র বলে, শুন মন্ত্রিচূড়ামণি ।  
 নগরেতে মহাশব্দ ক্রন্দনের ধ্বনি ॥ ১০  
 হেন বুঝি কান্দে সবে পাণ্ডব-কারণ ।  
 কহ শুনি কিরূপেতে যায় তারা বন ॥  
 ক্ষত্ৰ বলে, যুধিষ্ঠির যায় হেঁটমুখে ।  
 সবিষাদ চিত্তেতে বসনে মুখ ঢাকে ॥  
 দুই বাছ বিস্তারিয়া যায় বৃকোদর । ১৫  
 অশ্রুজল অর্জুনের বহে নিরন্তর ॥  
 নকুল বাইছে ছাই সর্কাজে মাখিয়া ।  
 সহদেব যায় মুখে কর আচ্ছাদিয়া ॥  
 ক্রপদনন্দিনী যায় সবার পশ্চাতে ।  
 মুকুলিত কেশভার কান্দিতে কান্দিতে ॥ ২০

ধোম্য পুরোহিত সঙ্গে করে বেদধ্বনি ।

বিষাদিত চিত্ত অতি কুশমুষ্টিপাণি ॥

ধৃতরাষ্ট্র বলে, কহ ইহার কারণ ।

এরূপে পাণ্ডব কেন যাত্রা হেছে বন ॥

বিহ্বল বলেন, রাজা কাঁচ দেহ মন ।

২৫

কপটে সর্ব্বশ্য নিল তব পুত্রগণ ॥

এমন করিল তবু নচে বিচলিত ।

সদা যুধিষ্ঠির তব পুত্রগণে প্রীত ॥

কদাচিত ভস্ম যদি হয় নেত্রানলে ।

এই হেতু হেঁটমুখে ঢাকরা অঞ্চলে ॥

৩০

ভীম বলে মম সম নাশক বলিষ্ঠ ।

সংসারেতে যত বীর সকলের শ্রেষ্ঠ ॥

ইহার উচিত শাস্তি করিব আসিয়া ।

এত বলি যায় বীর ভূঞ প্রসারিয়া ॥

অর্জুনের অশ্রুজল বহে অনিবার ।

৩৫

সেইমত বরষিবে অস্ত্র ব্যাঙ্কপার ॥

প্রত্যক্ষ ভবিষ্য ভূত সহদেব জানে ।

বংশনাশ জানি হস্ত দিয়াছে বদনে ॥

এই মত ভস্ম আমি করিব বৈরীরে ।

সে হেতু নকুল ভস্ম নাথল শরীরে ॥

৪০

জাজ্ঞসেনী দেবী যায় কবিয়া রোদন ।

এইমত কান্দিবে শত্রু নারীগণ ॥

কুশহস্ত হয়ে যায় ধোঁয়া তপোধন ।  
 সঙ্কল্প করিয়া কুরুশ্রাঙ্গের কারণ ॥  
 নগরের লোকসব করিছে রোদন । ৪৫  
 আমা-সবাকার প্রভু যাইতেছে বন ॥  
 সঘনে কম্পিত ভূমি দেখ নৃপমণি ।  
 বিনা মেঘে সঘনে শুনি যে ঘোর ধ্বনি ॥  
 অপূর্ব প্রসন্ন হৈল দেব দিবাকর ।  
 উদ্ধাপাত বজ্রাঘাত শুনি নিরন্তর ॥ ৫০  
 অকস্মাৎ ভাঙ্গি পড়ে দেউল প্রাচীর ।  
 ক্ষণে ক্ষণে রাজা কম্পি উঠয়ে শরীর ॥  
 এ সকল চিহ্ন রাজা কোরব-বিনাশে ।  
 কেবল হইল জেনো তব কৰ্ম্মদোষে ॥

কাশীরাম দাস

—\* ১৪ \*—

### দ্রৌপদীযুধিষ্ঠিরসম্বাদ

বৈতবন-মধ্যে পঞ্চ পাণ্ডুর নন্দন ।  
 ফল-মুলাহার জটা বাকল-ভূষণ ॥  
 একদিন কৃষ্ণা বসি যুধিষ্ঠির-পাশে ।  
 কহিতে লাগিল দুঃখ সঙ্কলণ ভাষে

এ হেন নির্দয় ছরাচার দুৰ্য্যোধন । ৫  
 কপট করিয়া তোমা পাঠাইল বন ॥  
 কিছুমাত্র তব দোষ নাহি তার স্থানে ।  
 এ হেন দারুণ কৰ্ম্ম করিল কেমনে ॥  
 কঠিন হৃদয় তার লোহাতে গঠিল ।  
 তিল মাত্র তার মনে দয়া না জন্মিল ॥ ১০  
 তোমার এ গতি কেন হল নরপতি ।  
 সহনে না যায় মোর সস্তাপিত মতি ॥  
 রতনে ভূষিত শয্যা নিদ্রা না আইসে ।  
 এখন শয়ন রাজা তীক্ষ্ণধার কুশে ॥  
 কস্তুরি চন্দনেতে লেপিত কলেবর । ১৫  
 এখন হইল তত্ত্ব ধূলায় ধুসর ॥  
 মহারাজগণ যার বসিত চৌপাশে ।  
 তপস্বীর সহিত থাক তপস্বীর বেশে ॥  
 লক্ষ লক্ষ রাজা যার স্বর্ণপাত্রে ভুঞ্জে ।  
 এবে ফলমূল ভক্ষ্য অরণ্যের মাঝে ॥ ২০  
 এই সব ভ্রাতৃগণ ইন্দ্রের সমান ।  
 ইহা সব। প্রতি নাহি কর অবধান ॥  
 মলিন বদন ক্রিষ্ট দুঃখেতে দুৰ্জল ।  
 হেঁট মুখে সদা থাকে ভীম মহাবল ॥  
 ইহা দেখি রাজা তব নাহি জন্মে দুখ । ২৫  
 সহনে না যায় মম ফাটিতেছে বুক ॥

ভীমসম পরাক্রমে নাহি ত্রিভুবনে ।  
 ক্ষণমাত্রে সংহারিতে পারে কুরুগণে ॥  
 সকল ত্যজিল রাজা তোমার কারণ ।  
 কিমতে এ সব দুঃখ দেখহ রাজন ॥ ৩৮  
 এই যে অর্জুন কার্ত্তবীৰ্য্যের সমান ।  
 যাহার প্রতাপে সুরাসুর কম্পমান ॥  
 পৃথিবীতে বসে যত রাজরাজেশ্বর ।  
 রাজসূয়ে খাটাইল করিয়া কিঙ্কর ॥  
 মলিন বদনে বসি থাকয়ে ধেয়ানে । ৩৯  
 ইহা দেখি রাজা তাপ নাহি তব মনে ॥  
 স্কুমার মাদ্রীসুত দুঃখী অধোমুখ ।  
 ইহা দেখি তব রাজা নাহি জন্মে দুঃখ ॥  
 ধৃষ্টদ্যুম্নস্বসা আমি দ্রুপদ-নন্দিনী ।  
 তুমি হেন মহারাজ আমি তব রাণী ॥ ৪০  
 মম দুঃখ দেখি রাজা তাপ না জন্মায় ।  
 ক্রোধ নাহি তব মনে জানিহু নিশ্চয় ॥  
 ক্ষত্র হয়ে ক্রোধ নাহি, নাহি হেন জন ।  
 তোমাতে নাহিক রাজা ক্ষত্রিয় লক্ষণ ॥  
 দ্রৌপদীর বাক্য শুনি ধর্ম্ম নরপতি । ৪১  
 কহিতে লাগিল তবে ধর্ম্ম শাস্ত্র-নীতি ॥  
 ক্রোধ সম পাপ দেবী নাহিক সংসারে ।  
 প্রত্যক্ষ শুনহ ক্রোধ যত পাপ ধরে ॥

লঘু গুরু জ্ঞান নাহি থাকে ক্রোধ-কালে,  
 অবজ্ঞাব্য কথ্য লোক ক্রোধ হলে বলে ॥ ৫৮  
 থাকুক অন্তরে কার্য্য আত্মা হয় বৈরী ।  
 ক্রোধবশে আত্মহত্যা করে নরনারী ॥  
 সে কারণে বুধগণ সদা-ক্রোধ ত্যজে ।  
 অক্রোধী যে লোক তারে সৰ্ব্বজন পূজে ॥  
 ক্রোধে পাপ ক্রোধে তাপ ক্রোধে কুলক্ষয় । ৫৯  
 ক্রোধে সৰ্ব্বনাশ হয় ক্রোধে অপচয় ॥  
 জপ তপ সন্ন্যাস ক্রোধীর অকারণ ।  
 রজোগুণে ক্রোধ বিধি করিল সৃজন ॥  
 হেন ক্রোধ যেইজন জিনিবারে পারে ।  
 ইহলোক পরলোক অবহেলে তরে ॥ ৬০  
 সে হেতু দ্রোপদী সদা ত্যজ ক্রোধ মন ।  
 শত অশ্বমেধফল অক্রোধী যে জন ॥

কাশীরাম দাস

দুঃখ বিনা সুখ হয় না

কেন পাষ ! ক্ষান্ত হও হেরে দীর্ঘ পথ ?  
 উদ্যম বিহনে কার পূরে মনোরথ ?  
 কাঁটা হেরি ক্ষান্ত কেন কমল তুলিতে,  
 দুঃখ বিনা সুখ লাভ হয় কি মহীতে ?



—\* ১৫ \*—

## সীতাহরণে রামের বিলাপ

হাতে ধনুর্কীর্ণ রাম আইসেন ঘরে ।  
 পথে অমঙ্গল যত দেখেন গোচরে ॥  
 বামে সর্প দেখিলেন শৃগাল দক্ষিণে ।  
 তোলাপাড়া করেন শ্রীরাম কত মনে ॥  
 বিপরীত ধ্বনি করিলেক নিশাচর । ৫  
 লক্ষ্মণ আইসে পাছে শূন্য রাখি ঘর ॥  
 যেমন চিস্তেন রাম ঘটিল তেমন ।  
 আসিতে দেখেন পথে সম্মুখে লক্ষ্মণ ॥  
 লক্ষ্মণেরে দেখিয়া বিস্ময় মনে মানি ।  
 ব্যস্ত হ'য়ে জিজ্ঞাসা করেন রঘুমণি ॥ ১০  
 কেন ভাই আসিতেছ তুমি যে একাকী ।  
 শূন্যঘরে জানকীরে একাকিনী রাখি ॥  
 এই মত কহিতে কহিতে দুই ভাই ।  
 বায়ুবেগে চলিলেন অগ্ন জ্ঞান নাই ॥  
 উপনীত হইলেন কুটীরের ঘারে । ১৫  
 সীতা সীতা বলিয়া ডাকেন বারে বারে ॥  
 শূন্যঘর দেখেন না দেখেন জানকী ।  
 মূর্ছাপন্ন অবসন্ন শ্রীরাম ধামুকী ॥  
 শ্রীরাম বলেন ভাই একি চমৎকার ।  
 সীতা না দেখিলে প্রাণ না রাখিব আর ॥ ২০

তখনি বলিহু ভাই সীতা নাহি ঘরে ।

শূন্যঘর পাইয়া হরিল কোন চোরে ॥

প্রতি বন প্রতি স্থান প্রতি তরুমূল ।

দেখেন সর্বত্র রাম হইয়া ব্যাকুল ॥

পাতি পাতি করিয়া চাহেন দুই বীর ।

২৫

উলটি পালটি যত গোদাবরী তীর ॥

গিরিগুহা দেখেন মূনির তপোবন ।

নানা স্থানে সীতারে করেন অন্বেষণ ॥

একবার যেখানে করেন অন্বেষণ ।

পুনর্বার যান তথা সীতার কারণ ॥

৩০

\*এইরূপে একস্থানে যান শতবার ।

তথাপি না পান দেখা শ্রীরাম সীতার ॥

কান্দিয়া বিকল রাম জলে ভাসে আঁখি ।

রামের ক্রন্দনে কান্দে বহু পশু পাখী ॥

রামের আশ্রমে আসি যত মুনিগণ ।

৩৫

নানা মতে কহে সবে প্রবোধ বচন ॥

শোকেতে অধীর শাস্ত্র না হন শ্রীরাম ।

সদা মনে পড়ে সে সীতার গুণগ্রাম ॥

সীতা সীতা বলিয়া পড়েন ভূমিতলে ।

করেন লক্ষ্মণবীর শ্রীরামেরে কোলে ॥

৪০

বিলাপ করেন রাম লক্ষ্মণের আগে ।

ভুলিতে না পারি সীতা সদা মনে জাগে ॥

কি করিব কোথ যাব অমুজ্জ লক্ষণ ।  
 কোথা গেলে সীতা পাব কর নিরূপণ ॥  
 বুঝি কোন মুনিপত্নী সহিত কোথায় । ৪৫  
 গেলেন জানকী নাহি জানায়ে আমায় ॥  
 গোদাবরী নীবে আছে কমল কানন ।  
 তথা কি কমলমুখী করেন ভ্রমণ ॥  
 পদ্মালয়ে পদ্মমুখী সীতারে পাইয়া ।  
 রাখিলেন বুঝি পদ্মবনে লুকাইয়া ॥ ৫০  
 চিরদিন পিপাসিত করিয়া প্রয়াস ।  
 চন্দ্রকলা ভ্রমে রাহু করিল কি গ্রাস ॥  
 রাজ্যচ্যুত আমারে দেখিয়া চিন্তাস্বিতা ।  
 হরিলেন পৃথিবী কি আপন দুহিতা ॥  
 দিবাকর নিশাকর দীপ্ত তারাগণ । ৫৫  
 দিবানিশি করিতেছে তমঃ নিবারণ ॥  
 তারা না হরিতে পারে তিমির আমার ।  
 এক সীতা বিহনে সকলি অন্ধকার ॥  
 দেখরে লক্ষণ ভাই কর অবেষণ ।  
 সীতারে আনিয়া দেহ বাঁচাও জীবন ॥ ৬০  
 আমি জানি পঞ্চবটী তুমি পুণ্যস্থান ।  
 তাই সে এখানে করিলাম অবস্থান ॥  
 তাহার উচিত ফল দিলাহে আমারে ।  
 গুণময়ী প্রিয়া মম দিলে তুমি কারে ॥

লক্ষ্মণের শক্তিশেলে রামের বিলাপ

শুন পশু মৃগ পক্ষি শুন বৃক্ষ লতা ।

৬৫

কে হরিল আমার সে চন্দ্রমুখী সীতা ॥

রুত্তিবাস

—\* ১৬ \*—

লক্ষ্মণের শক্তিশেলে রামের বিলাপ

রণ জিনি রঘুনাথ পেয়ে অবসর ।

লক্ষ্মণেরে কোলে করি কান্দেন বিস্তর ॥

• কি কুক্ষণে ছাড়িলাম অযোধ্যা-নগরী ।

মৈল পিতা দশরথ রাজ্য অধিকারী ॥

জনক-নন্দিনী সীতা প্রাণের সুন্দরী ।

দিনে দুই প্রহরে রাবণ কৈল চুরি ॥

হারালাম প্রাণপ্রিয় অমুজ লক্ষণ ।

কি করিবে রাজ্যভোগে পুনঃ ঘাই বন ॥

লক্ষণ সুমিত্রা মা'র প্রাণের নন্দন ।

কি বলিয়া নিবারিব তাঁহার ক্রন্দন ॥

১০

এনেছি সুমিত্রা মা'র অঞ্চলের নিধি ।

আসিয়ে সাগর পারে কাল হৈল বিধি ॥

মোর হৃৎখে লক্ষণ যে হৃৎখী নিরস্তর ।

কেন রে নিষ্ঠুর হ'লে না দেহ উত্তর ॥

সবাই সুধাবে বার্তা আমি গেলে দেশে । ১৫

কহিব তোমার মৃত্যু কেমন সাহসে ॥

আমার লাগিয়ে ভাই কর প্রাণ রক্ষা ।

তোমা বিনা বিদেশে মাগিয়া খাব ভিক্ষা ॥

রাজ্য ধনে কার্য্য নাই নাহি চাই সীতে ।

সাগরে ত্যজিব প্রাণ তোমার শোকেতে ॥ ২০

উদয়াস্ত যতদূর পৃথিবী সঞ্চার ।

তোমার মরণে খ্যাতি রহিল আমার ॥

উঠরে লক্ষণ ভাই রক্তে ডুবে পাশ ।

কেন বা আমার সঙ্গে এলে বনবাস ॥

সীতার লাগিয়া তুমি হারাইলে প্রাণ । ২৫

তুমি যে লক্ষণ মম প্রাণের সমান ॥

সুবর্ণের বাণিজ্যে মাণিক্য দিয়া ডালি ।

তোমা ব'ধে রঘুকূলে রাখিলাম কালি ॥

কেন বা রাবণ সঙ্গে করিলাম রণ ।

আমার প্রাণের নিধি নিল কোন্ জন ॥ ৩০

কার্ত্তবীৰ্য্যার্জুন রাজা সহস্র বাহুধর ।

তাহা হইতে লক্ষণ যে গুণের সাগর ॥

এমন লক্ষণ মোর মারিল রাক্ষসে ।

আর না যাইব আমি অযোধ্যার দেশে ॥

পিতৃসত্য পালিতে আইলু বনবাস । ৩৫

বিধি বাদী হৈল এই তাহে সৰ্কনাশ ॥

অন্তরীক্ষে ডাকি বলে যত দেবগণ ।

না কান্দ না কান্দ রাম পাইবে লক্ষণ ॥

ভাই ভাই বলে রাম ছাড়েন নিশ্বাস ।

শ্রীরামের ক্রন্দন রচিল কুন্তিবাস ॥

৪০

কুন্তিবাস

— \* ১৭ \* —

## লজ্জাবতী লতা

ছুঁয়োনা, ছুঁয়োনা, উটি লজ্জাবতী লতা ।

একান্ত সঙ্কোচ ক'রে একধারে আছে স'রে,

ছুঁয়োনা উহার দেহ রাখ মোর কথা ।

তরুলতা যত আর চেয়ে দেখ চারিধার

ঘেরে আছে অহঙ্কারে—উটি আছে কোথা । ৫

আহা, ওইখানে থাক্, দিওনা'ক ব্যথা !

ছুঁ ইলেনখের কোণে বিষম বাজিবে প্রাণে

যেওনা উহার কাছে থাও মোর মাথা ।

ছুঁয়োনা, ছুঁয়োনা, উটি লজ্জাবতী লতা !

লজ্জাবতী লতা উটি অতি মনোহর ।

১০

যদিও সুন্দর শোভা নহে তত মনোলোভা,

তবুও মলিন বেশ মরি কি সুন্দর !

যায় না কাহারো পাশে,      মান মর্যাদার আশে,  
 থাকে কান্দালীর বেশে একা নিরন্তর—  
 লজ্জাবতী লতা উটি মরি কি সুন্দর !      ১৫

নিশ্বাস লাগিলে গায়      অমনি শুকায়ে যায়,  
 না জানি কতই ওর কোমল অন্তর !—  
 এ হেন লতার হায়, কে জানে আদর ?  
 হায় এই ভূমণ্ডলে, কত শত জন,  
 দণ্ডে দণ্ডে ফুটে উঠে      অবনীমণ্ডল লুটে, ২০

শুনায় কতই রূপ ঘশের কীর্তন ;  
 কিন্তু হেন শ্রিয়মাণ,      সদা সঙ্কচিত-প্রাণ,  
 রমণী, পুরুষগণে কে করে যতন ?  
 স্বভাব মৃদল ধীর,      প্রকৃতিটি সুগভীর,  
 বিরলে মধুরভাষী মানস-রঞ্জন ;      ২৫

কে জিজ্ঞাসি তাহাদের করে সন্তাষণ ?  
 সমাজের প্রান্তভাগে,      তাপিত অন্তরে জাগে,  
 মেঘে ঢাকা আভাহীন নক্ষত্র যেমন !  
 ছুঁয়োনা উহার দেহ করি নিবারণ,  
 লজ্জাবতী লতা উটি মানস-রঞ্জন ।      ৩০

হেমচন্দ্র বন্দ্যোপাধ্যায়

—\* ১৮ \*—

## জলে ফুল

কে ভাসাল জলে তোরে কানন সুন্দরী !  
বসিয়া পল্লবাসনে                      ফুটেছিলে কোন্ বনে !  
নাচিতে পবন সনে, কোন্ বৃক্ষোপরে ?  
ছিঁড়িল শাখা হতে শাখার মঞ্জরী ?                      ৪

কে আনিল তোরে ফুল, তরঙ্গিণী-তীরে ?  
কাহার কুলের বালা,                      আনিয়া ফুলের ডাল  
ফুলের আঙ্গুলে তুলে ফুল দিল নীরে ?  
ফুল হতে ফুল খসি, জলে ভাসে ধীরে !                      ৮

ভাসিছে সলিলে যেন, আকাশের তারা ।  
কিংবা কাদম্বিনী গায়,                      যেন বিহঙ্গিনী প্রায়,  
কিংবা যেন মাঠে ভ্রমে, নারী পথহারা ;  
কোথায় চলেছে ধরি তরঙ্গিণীধারা ?                      ১২

একাকিনী ভাসি যায়, কোথায় অবলে !  
তরঙ্গের রাশি রাশি,                      হাসিয়া বিকট হাসি  
তাড়াতাড়ি করি তোরে খেলে কুতূহলে ?  
কে ভাসাল তোরে ফুল কাল নদীজলে ?                      ১৬



কে ভাসাল তোরে ফুল কে ভাসাল মোরে ?  
 কাল স্রোতে তোর (ই) মত,      ভাসি আমি অবিরত  
 কে ফেলেছে মোরে এই তরঙ্গের ঘোরে ?  
 ফেলিছে তুলিছে কভু, আছাড়িছে জোরে ।      ২০

শাখার মঞ্জরী আমি তোরই মত ফুল ।  
 বোঁটা ছিঁড়ে শাখা ছেড়ে,      ঘুরি আমি স্রোতে পড়ে  
 আশার আবর্ত বেড়ে, নাহি পাই কূল ।  
 তোরই মত আমি ফুল, তরঙ্গে আকুল ।      ২৪

তুই যাবি ভেসে ফুল, আমি যাব ভেসে ।  
 কেহ না ধরিবে তোরে      কেহ না ধরিবে মোরে  
 অনন্ত সাগরে তুই, মিশাইবি শেষে ।  
 চল যাই দুই জনে অনন্ত উদ্দেশে ॥      ২৮

বঙ্কিমচন্দ্র চট্টোপাধ্যায়

### বাগাড়ম্বর

যে রূপ করিবে কাঙ্ক্ষ কার্যোতে দেখাও  
 বৃথা গর্বে কেন তাহা কহিয়া বেড়াও ?  
 না পার করিতে যদি কর যাহা গান,  
 কোথায় পাইবে লজ্জা রাখিবার স্থান ?

রুক্মচন্দ্র মজুমদার

—\* ১০ \*—

## আশীর্বাদ

ইহাদের কর আশীর্বাদ ।

ধরায় উঠেছে ফুটি শুভ প্রাণগুলি

নন্দনের এনেছে সন্বাদ,

ইহাদের কর আশীর্বাদ ।

৪

ছোট ছোট হাসিমুখ জানে না ধরায় দুখ,

হেসে আসে তোমাদের দ্বারে ।

নবীন নয়ন তুলি কৌতুকেতে হুলি হুলি

চেয়ে চেয়ে দেখে চারিধারে ।

৮

সোনার রবির আলো কত তার লাগে ভালো

ভাল লাগে মায়ের বদন ।

হেথায় এসেছে ভুলি, ধুলিরে জানে না ধুলি,

সবই তার আপনার ধন ।

১২

কোলে তুলে লও এরে এ যেন কেঁদে না ফেরে

হরষেতে না ঘটে বিষাদ,

বুকের মাঝারে নিয়ে পরিপূর্ণ প্রাণ দিয়ে

ইহাদের কর আশীর্বাদ ।

১৬

নতুন প্রবাসে এসে                      সহস্র পথের দেশে  
 নীরবে চাহিছে চারিভিতে,  
 এত শত লোক আছে      এসেছে তোমারি কাছে  
 সংসারের পথ শুধাইতে ।                      ২৭

যেথা তুমি লয়ে যাবে      কথাটি না কয়ে যাবে,  
 সাথে যাবে ছায়ার মতন,  
 তাই বলি—দেখো দেখো এ বিশ্বাস বেথো রেখো  
 পাথারে দিগুনা বিসর্জন !                      ২৮

ক্ষুদ্র এ মাথার 'পর                      রাখ গো করুণ-কর,  
 ইহারে করোনা অবহেলা ।  
 এ ঘোর সংসার মাঝে                      এসেছে কঠিন কাজে  
 আসেনি করিতে শুধু খেলা !                      ২৯

দেখে মুখশতদল                      চোখে মোর আসে জল  
 মনে হয় বাঁচিবে না বুঝি,  
 পাছে, স্বকুমার প্রাণ                      ছিড়ে হয় থান্ থান্  
 জীবনের পারাবারে যুঝি ।                      ৩০

এই হাসিমুখগুলি                      হাসি পাছে যায় ভুলি  
 পাছে ঘেবে আঁধার প্রমাদ !  
 ইহাদের কাছে ডেকে      বৃকে রেখে, কোলে রেখে  
 তোমরা কর গো আশীর্বাদ ।                      ৩১

বল, স্মৃথে যাও চলে                      ভবের তরঙ্গ দলে,  
 স্বর্গ হতে আত্মক বাতাস,—  
 স্মৃথহুঃখ কোরো হেলা              সে কেবল ঢেউ-খেলা  
 নাচিবে তোদের চারিপাশ ।”

৪০

রবীন্দ্রনাথ ঠাকুর

—\* ২০ \*—

## কোকিল

এস তুমি বসন্তের সখা,  
 বসন্তের প্রিয় সহচর ।  
 হৃদয়ের বিষাদের রেখা  
 মুছে দাও ধরণী উপর ।  
 ফুলে ফুলে ছেয়েছে কানন                      ৫  
 শাখে শাখে ফুটি অগণন  
 বায়ু পরে স্বগন্ধ ছড়ায় ।  
 এস ! ওই তীব্র মধু সুরে  
 প্রতিধ্বনি জাগাও মধুরে  
 যাহে হৃদি হুঃখ ভুলি' যায় ।                      ১০

এস! ওই কুহু কুহু গানে

করি' দাও প্লাবিত প্রান্তর,

তেয়াগিয়া ধরার পরাণে,

গীতস্বর প্লাবিত অশ্রু ।

ধরণীর শোক, দুঃখ, ভয়

১৫

শ্রান্ত হৃদি যাইবে ভুলিয়া ;

কত শ্রান্ত ধরার হৃদয়

প্রেমালোকে উঠিবে ভরিয়া ।

বহি যায় দখিণে বাতাস

নীলাকাশ সৌন্দর্য প্রকাশ

২০

( আপনাতে আপনি মগন ) ।

সেই উচ্চ জগতের মত

ছুটাও এ ধরা পরে যত

আনন্দের লহরী মোহন ।

ওই তীব্র স্নমধুর স্বরে

২৫

ভুলে' যাই জগতের সব,

শুধু রবে শ্রবণ বিবরে

ওই তব প্রাণকাড়া রব !

হেমেন্দ্র প্রসাদ ঘোষ

—\* ২১ \*—

## আলোক

সুন্দর আলোক ! জীবন-বিধাতা !

আধারের শিশু তুমি,

জনমে তোমার জনমিল প্রাণ,—

সকল মরত-ভূমি ।

অসীমের কোলে সসীম যেমন,

৫

নীরবতা-কোলে গান,

বিশালের কোলে সুখমা যেমন,

মরণের কোলে প্রাণ,

হিমাদ্রি-গহ্বরে ওষধি যেমন,

সমুদ্রে লহরী-ভঙ্গ,

১০

অন্ধকার-কোলে তুমিও তেমতি,—

ভীষণে চারুতা-রঙ্গ ।

স্বক আধার, অনন্ত, গভীর,

ছিল শুধু যেই দিন,

জননীর গর্ভে শিশুর মতন,

১৫

ছিল তার মাঝে লীন ;—

ছিলে তুমি, ছিল সোদর তোমার

শরু যে নাম ধরে,

একই জঠরে যমজের মত

বেড়ি গলে পরস্পরে ।

২০

সৃষ্টি মূল মস্ত্রে গভীর স্পন্দিত

যবে প্রকৃতির কায়,

বিশ্ব বিলোড়ন মাঝেতে যখন

এক বহু হতে চায়,

জনমি ওঁকারে শব্দ-তরঙ্গ

২৫

কোটি বজ্রনাদে ছুটে,

অযুত বিদ্যুৎ স্ফুরণে সহসা

তিমিরে আলোক ফুটে ।

বীজ অণুগণে আছিল যতেক

লয় নিমীলিত প্রাণ,

৩০

প্রয়াস করিল বিকাশ লভিতে

ধরিয়া ত্রিদিব তান,

আকার বিহীন ধরিতে আকার,

গঠন, গঠন হীন,

অগণন রূপে হইতে প্রকাশ

৩৫

যা ছিল একেতে লীন ;—

টুটিয়ে অসীম, ফুটিতে সুষমা

অসীমের কলেবরে,

ঘরণ হইতে লভিতে জনম

পরাণ-প্রয়াস করে ।

৪০

তোমার প্রভাবে ভুবন উদয়,  
 কি মহিমা, বলিহারি ;—  
 জীবন প্রদানে, তুমি হে আলোক,  
 অমৃত কুণ্ডের বারি ।

বরদাচরণ মিত্র

—\* ২২ \*—

## অন্ধকার

অন্ধকার—ঘোর অন্ধকার !  
 গ্রাসি ধরণী, গ্রাসি গগন,—  
 তিমির-গহ্বর ব্যাদন যেমন  
 রক্তবীজ-বধে কালিকার ;  
 ঘোর অন্ধকার !—

অনন্তের মূর্তি, কৃতান্তের ছায়া,  
 অনাদি পরম কারণের কায়া,  
 অসীমে সসীমে একাকার !

জগৎ চরাচর যে দিন না ছিল,  
 ব্যোম উপরে মহাব্যোম বিথার,  
 স্তব্ধ প্রকৃতি সনে অনাদি পুরুষ  
 বিশ্ব-সৃজন তরে করিল বিহার,—



না ছিল শব্দ, স্পর্শও না ছিল,  
 রূপ নাহিক ছিল অভিন্নতায়,  
 নিরন্ত শূণ্ণে রস নাহি সম্ভবে, ১৫  
 অক্ষিতি-মধ্যে গন্ধ কোথায় ?—  
 কেবল সে ছিল অন্ধকার !  
 প্রকৃতির যেন এই বিশ্ব-প্রসব-তরে  
 দিগন্ত ব্যাপিয়ে গর্ভের প্রায় !  
 আবার সে হবে অন্ধকার । ২০  
 শব্দ-নির্নাদিত প্রলয়-বিষাগে  
 শব্দ-তরঙ্গিত ক্ষুর আকাশ ;  
 বিচ্যুত-কক্ষ গ্রহগণ খসিয়ে,—  
 চূর্ণ-বিচূর্ণিত লুপ্ত-বিভাস,—  
 অনন্ত শূণ্ণে যে দিন মিশিবে ; ২৫  
 লুকাবে যে দিন দেশ ও কাল  
 ব্রহ্ম সৃষ্টিগির নিশ্বাস মাঝে,—  
 সে দিন ফিরিবে তিমির করাল !  
 এখন ত নাহি অন্ধকার ;—  
 ক্ষুদ্র, বৃহৎ বা, সসীম সকলি, ৩০  
 ব্যক্ত নয়নপথে ধরিয়ে আকার,—  
 অমানিশা কোলে তারকা হাসে,  
 গভীর ঘনগলে বিদ্যুৎ-হার !  
 কোথা অন্ধকার !

এসো অঙ্ককার !

৩৫

বিনাশ সীমা' প্রসার হৃদয়,

নিবার ভিন্নতা, ক্ষুদ্রতা আর,—

অনন্ত অব্যয় আলোক তুমি যে,

অভেদ-কারণে দৃষ্টির পার !

বরদাচরণ মিত্র

— \*২৩\* —

## সমুদ্র-ফেনার প্রতি

সমুদ্রের সাদা ফেনা পরাণ পাগল-করা—

ঘর ছেড়ে আজ তোরি হাতে দিলাম আমি ধরা ;

তোরি সাথে ভেসে ভেসে,      যাব রে সেই অচিন দেশে,

যেথা আছে অখিল শেষে সবল শ্রান্তিহরা ।      ৪

• শঙ্খধবল শ্বেতশতদল—নীল সাগরের ফুল—

আজন্মের সকল জানা করিয়ে দে মোর ভুল ;

কেটে দিয়ে বান্ধন যত,      করে' নে আজ তোরি মত,

সৃষ্টিছাড়া মুক্তিব্রত—নাহিক শাখামূল ।      ৮

আমি হব যাত্রী তোমার, তুমি আমার ভরি—

ভাব না আর নিজের লাগি—বাঁচি কিংবা মরি ;

কর না আর আগে পিছে,      চাইবনাক উপর নীচে,

নিখিল ত্যজে আজকে তোমায় লব বরণ করি ।      ১২

রাত্রি দিবা দুলব দুজন তরঙ্গ-দোলাতে—

উষ্মিশিরে ঘূর্ণিনাচন ঘূর্ণাপাকের সাথে ;

ঝঙ্কা যখন গর্জি আসি',                      মারবে ঠেলা অট্টহাসি,  
চূর্ণ হয়ে' পড়ব খসি' সহস্র কণাতে ।                      ১৬

সিন্ধু-শকুন পাখার হাওয়া দিবে মোদের গায়ে,

উড়ো মাছের অভ্র-পালক পড়বে খসি' পায়ে ;

স্বর্য়্যালোকের স্বর্ণরেণু,                      রচবে আসি ইন্দ্রধনু,  
অন্ধনিশি নিখসিবে লবণ-বহা বায়ে ।                      ২০

নীলাম্বুধির অন্তবিহীন শয্যা পাতা নীচে,

উর্দ্ধে অসীম শূন্য আকাশ নিঃশব্দে কাঁপিছে ;

ডানে বামে দিকের রেখা,                      কূলের কোথা নাইক দেখা,  
লক্ষযোজন পুরোভাগে লক্ষযোজন পিছে ।                      ২৪

মুক্তা মাণিক সঙ্গী শুধু বিজন প্রতিবাসী,

শঙ্খ শামুক ভৃত্য সেবার, ঝিলুক কড়ি দাসী ;

পাতালতলে যে নাগবালা,                      ঘুমায়, গলায় পলার মালা—  
স্বপ্ন তাহার শাস্ত মুখে তোরি শুভ্র হাসি ।                      ২৮

মৃত্যু যে দিন বল্বে ডেকে—'কে ঘুমাবি আম,

পুরুভূজের মঞ্চ 'পরে স্পঞ্জ-বিছানায়,—

সে দিন সকল যাত্রাশেষে,                      হাতটি দিব বাড়িয়ে হেসে,  
আস্বে মুদে' আখির পাতা সহজ সান্ত্বনায় ।                      ৩২

সমুদ্রের সাদা ফেনা, নীতল শান্তি ভরা—  
 সব ছেড়ে আজ তোরি হাতে দিলাম আমি ধরা ;  
 তোরি সঙ্গে ভেসে ভেসে      যাব রে সেই অচিন দেশে,  
 যেথা আছে নিখিল শেষে সকল আশ্ৰিতহরা ।      ৩৬

যতীন্দ্রমোহন বাগচী

—\* ২৪ \*—

## স্বদেশ আমার

স্বদেশ আমার ! নাহি করি দরশন  
 তোমা সম রম্যভূমি নয়ন-রঞ্জন ।  
 তোমার হরিত ক্ষেত্র,      আনন্দে ভাসায় নেত্র,  
 তটিনীর মধুরিমা তোষে প্রাণ মনু ।      ৪  
 প্রভাতে অরুণ-ছটা, সারাক্ষ-অম্বরে  
 সুরঞ্জিত মেঘমালা কাস্ত রবিকরে,  
 নিশীথে স্বধাংগুহাস,      তারা-মাখা নীলাকাশ  
 কে ভুলিবে, কে ভুলিবে থাকিতে জীবন !      ৮  
 কোথায় প্রকৃতি এত খুলিয়ে ভাণ্ডার  
 বিভরেন মুক্ত করে শোভারশি তাঁর ?  
 প্রতি ক্ষেত্রে, প্রতি বনে,      প্রতি কুঞ্জ উপবনে,  
 টেলেছেন যত শোভা, কোথায় তেমন ?      ১২

বাসন্ত কুসুমরাজি সুরভি শোভন

চুষ্টি কোথা এত স্নিগ্ধ বহে সমীরণ ?

তরু লতা তব সম,                      কলকণ্ঠ বিহঙ্গম,

পাইব না, পাইব না, খুঁজিয়া ভুবন ।                      ১৬

ভুবনে কোথায় আছে হেন ধরাধর—

দেব-আত্মা হিম্মালয় সু-উচ্চ-শিখর ?

কোথায় পবিত্রতম                      প্রবাহ জাহ্নবী সম ?

ধরণীতে স্বর্গছবি কাশ্মীর সমান                      ২০

শোভার আধার আর আছে কোন স্থান ?

কোথাকার দৃশ্যাবলী সূচাক্র এমনি ?

যথায় যাইব আমি,                      তোমাতে জনমভূমি,

ভুলিব না, ভুলিব না জীবনে কখন ।                      ২৪

দ্বিজেন্দ্রলাল রায়

# কাব্য-কলিকা

## দ্বিতীয় খণ্ড

—\* ১ \*—

জয় জগদীশ জয় বলরে বদন

জয় জগদীশ জয় বলরে বদন ।

বিভুগানে মাতোয়ারা,                      জগৎ আনন্দে ভরা,

সাজিয়াছে বসুন্ধরা পরিয়া ভূষণ,

জয় জগদীশ জয় বলরে বদন ।

কাননে কুসুম ফুটে,                      আনন্দে পবন ছুটে,                      ৫

পরিমল মাখি গায় করয়ে ভ্রমণ,

জয় জগদীশ জয় বলরে বদন ।

বিহঙ্গ প্রফুল্ল প্রাণ,                      স্থখে করে বিভুগান,

সুমধুর কণ্ঠস্বরে পূরিয়া কানন,

জয় জগদীশ জয় বলরে বদন ।

১০

শূন্যেতে সঙ্গীত ঝরে,                      অমর-কণ্ঠের স্বরে

বেণু বীণা জিনি রব বাজের নিকল,

জয় জগদীশ জয় বলরে বদন ।

সকল ব্রহ্মাণ্ডময়,                      জয় বিভূ শব্দ হয়,  
 প্রেমময় বিভূগানে মত্ত ত্রিভুবন,                      ১৫  
 জয় জগদীশ জয় বলরে বদন ।

জয় জগতের ভূপ,                      জয় হে অনাদিরূপ,  
 জয় পরমেশ জয়,                      অচিন্ত্য পুরুষ জয়,  
 জয় কৃপাময় জয় জগৎ জীবন ।  
 ঈশ, হরি জগদীশ গাওরে বদন,                      ২০  
 অনাদি অনন্ত রূপ জয় নারায়ণ,  
 জয় জগদীশ জয় বলরে বদন ।

জয় বিশ্বরূপ জয়,                      অনাদি পুরুষ জয়,  
 জয় প্রেমময় হরি ব্রহ্মাণ্ড তারণ,  
 জয় জগদীশ জয় বলরে বদন !                      ২৫

হেমচন্দ্র বন্দ্যোপাধ্যায়

—\* ২ \*—

মা

তবু ভরিল না চিত্ত ! ঘুরিয়া ঘুরিয়া  
 কত তীর্থ হেরিলাম ! বন্দিহু পুলকে,  
 বৈষ্ণনাথে ; মুক্তের সীতাকুণ্ডে গিয়া  
 কাঁদিলাম চিরদুঃখী জানকীর দুঃখে ;  
 হেরিহু বিদ্যুৎ-বাসিনী বিদ্যুৎ আরোহিয়া ;                      ৫

করিলাম পুণ্য-স্নান ত্রিবেণী-সঙ্গমে ;  
 “জয় বিষ্ণেষ্ণর” বলি ভৈরবে বেড়িয়া,  
 করিলাম কত নৃত্য ; প্রফুল্ল আশ্রমে,  
 রাধা-শ্রামে নিরখিয়া হইয়া উতলা,  
 গীত-গোবিন্দের শ্লোক গাহিয়া গাহিয়া ১০  
 ভ্রমিলাম কুঞ্জে কুঞ্জে ; পাণ্ডুরা আসিয়া  
 গলে পরাইয়া দিল বরশুভ্র মালা ।  
 তবু ভরিল না চিত্ত ! সর্ব-তীর্থ-সার,  
 তাই মা তোমার পাশে, এসেছি আবার ।

দেবেঞ্জনাথ সেন

## মাতা

স্বকোমল অঙ্গে নিয়া,  
 অঙ্গে কর বুলাইয়া,  
 পিয়াইয়া পুনঃ হৃদি-পিয়ূষ-ধারায়,  
 মমতায় বিমোহিয়া,  
 স্নেহ-বাক্যে ভুলাইয়া, ৫  
 হে জননি কর পুনঃ বালক আমায় !  
 তব অঙ্ক পরিহরি,  
 সংসারে প্রবেশ করি,  
 সদা মত্ত থেকে মাগো বিষয়ের রণে !



তুমি গড়ে ছিলে যাহা, ১০  
 আর আমি নাই তাহা,  
 তব প্রেম-স্বর্গ-কথা কিছু নাই মনে !—  
 কেমনে বর্ণিব তায় স্মৃতির বিহনে ।

সুরেন্দ্রনাথ মজুমদার

-\* ৩ \*-

### পলাশির যুদ্ধ

ব্রিটিশের রণবাত্ত বাজিল অমনি,  
 কাঁপাইয়া রণস্থল,  
 কাঁপাইয়া গঙ্গাজল,  
 কাঁপাইয়া আশ্রয়ন উঠিল সে ধ্বনি । ৪  
 নাচিল সৈনিক-রক্ত ধমনীভিতরে,  
 মাতৃকোলে শিশুগণ,  
 করিলেক আশ্রয়লন,  
 উৎসাহে বসিল রোগী শয্যার উপরে । ৮  
 নিনাদে সমর-রঙ্গে নবাবের ঢোল,  
 ভীম রবে দিগজনে,  
 কাঁপাইয়া ঘনে ঘনে,  
 উঠিল অশ্বর-পথে করি ঘোর রোল । ১২

ভীষণ মিশ্রিত ধ্বনি করিয়া শ্রবণ,

ক্লষক লাজল করে,

দ্বিজ কোষাকুশি ধ'রে

দাঁড়াইল, বজ্রাহত-পথিক যেমন ।

১৬

অন্ধ-নিষ্কোষিত অসি ধরি যোদ্ধৃগণ,

বারেক গগন প্রতি,

বারেক মা বসুমতী

নিরখিল, যেন এই জন্মের মতন ।

২০

ভাগীরথী-উপাসক আৰ্য্যসুতগণ,

ভক্তিভরে কিছুক্ষণ,

করি গঙ্গা দরশন,

‘গঙ্গামাই’ ব’লে সবে ডাকিল তখন ।

২৪

ইজিতে পলকে মাত্র সৈনিক সকল,

বন্দুক সদর্পভরে,

তুলি নিল অংসোপরে ;

সঙ্গিনে কণ্টকাকীর্ণ হ’লো রণস্থল ।—

২৮

বেগবতী শ্রোতশ্রুতী ভৈরব গর্জনে,

সলিল সঞ্চয় করি,

ধায় ভীম বেগ ধরি,

প্রতিকূল শৈল প্রতি তাড়িত-গমনে,

৩২

অথবা ক্ষুধার্ত ব্যাঘ্র, কুরঙ্গ কাননে  
করে যদি দরশন,  
দলি গুল্ম-লতাবন,  
তীরবৎ ছুটে বেগে যুগ আক্রমণে ।

৩৬

তেমতি নবাব-সৈন্য বীর অন্তপম,  
আত্মবন লক্ষ্য করি,  
একশ্রোতে অস্ত্র ধরি,  
ছুটিল সকলে যেন কালান্তক যম ।

৪০

অকস্মাৎ একবারে শতেক কামান,  
করিল অনলবৃষ্টি,  
ভীষণ সংহার-দৃষ্টি !  
কত খেত যোদ্ধা তাহে হ'ল তিরোধান ।

৪৪

অস্ত্রাঘাতে স্থপ্নোখিত শাদ্দূলের প্রায়,  
ক্লাইভ নির্ভয়-মন,  
করি রশ্মি আকর্ষণ,  
আসিল তুরঙ্গোপরে রক্ষিতে সেনায় ।

৪৮

“সম্মুখে—সম্মুখে !”—বলি সরোষে গর্জিয়া,  
করে অসি তীক্ষ্ণ-ধার ;  
ব্রিটিশের পুনর্ব্বার,  
নির্ধাপিত-প্রায় বীৰ্য্য উঠিল অলিয়া ।

৫২

ইংরাজের বজ্রনাদী কামান সকল,

গস্তোর গর্জ্জন করি,

নাশিতে সম্মুখ অরি,

মূহূর্ত্তেকে উগরিল কালাস্ত-অনল ।

৬৬

বিনা মেঘে বজ্রাঘাত চাষা মনে গণি,

ভয়ে সশঙ্কিত প্রাণে,

চাহিল আকাশ পানে,

ঝরিল কামিনী-কক্ষ-কলসী অমনি ।

৬৭

পাশ্বিগণ সশঙ্কিত করি কলরব,

পশিল কুলায়ে ডরে ;

গাভীগণ ছুটে রড়ে

বেগে গৃহদ্বারে গিয়ে হাঁফাল নীরব ।

৬৮

আবার, আবার সেই কামান গর্জ্জন ;

উগারিল ধূমরাশি,

অঁধারিল দশ দিশি !

বাজিল ব্রিটিশ বাঘ জলদ নিশ্বন ।

৬৯

আবার, আবার সেই কামান-গর্জ্জন ;

কাঁপাইয়া ধরাতল,

বিদারিয়া রণস্থল,

উঠিল যে ভীম রব ফাটিল গগন ।

৭০

সেই ভীম রবে মাতি ক্লাইবের সেনা,

ধূমে আবরিত দেহ,

কেহ অশ্ব, পদে কেহ,

গেল শত্রু মাঝে, অস্ত্রে বাজিল ঝঞ্ঝনা ।

৭৬

খেলিছে বিদ্রাৎ একি ধাঁধিয়া নয়ন !

শতে শতে তরবার

ঘুরিতেছে অনিবার,

রবিকরে প্রতিবিম্ব করি প্রদর্শন ।

৮০

নবীনচন্দ্র সেন

—\* ৪ \*—

## কাঙালিনী

আনন্দময়ীর আগমনে,

আনন্দে গিয়েছে দেশ ছেয়ে ।

হের ওই ধনীর দুয়ারে

দাঁড়াইয়া কাঙালিনী মেয়ে ।

বাজিতেছে উৎসবের বাঁশী

৫

কাণে তাই পশিতেছে আসি ;

মান চোখে তাই ভাসিতেছে

হুয়াশার স্নেহের স্বপন ;

চারি দিকে প্রভাতের আলো

নয়নে লেগেছে বড় ভালো, ১০

আকাশেতে মেঘের মাঝারে

শরতের কনক-তপন !

কত কে, যে, আসে, কত যায়,

কেহ হাসে, কেহ গান গায়,

কত বরণের বেশভূষা ১৫

ঝলসিছে কাঞ্চন-রতন,—

কত পরিজন দাস দাসী,

পুষ্প পাতা কত রাশি রাশি,

চোখের উপরে পড়িতেছে

মরীচিকা-ছবির মতন ! ২০

হেরি তাই রহিয়াছে চেয়ে

শূন্যমনা কাঙালিনী মেয়ে ।

ভনেছে সে, মা এসেছে ঘরে,

তাই বিশ্ব আনন্দে ভেসেছে ;

মার মায়া পায়নি কখনো, ২৫

মা কেমন দেখিতে এসেছে !

তাই বুঝি আঁখি ছলছল,

বাঞ্চে ঢাকা নয়নের তারা ।

চেয়ে যেন মার মুখ পানে

বালিকা কাতর অভিমানে ৩০

বলে,—“মাগো এ কেমন ধারা !

এত বাঁশী, এত হাসিরাশি,

এত তোর রতন ভূষণ,

তুই যদি আমার জননী,

মোর কেন মলিন বসন !”

৩৫

ছোট ছোট ছেল মেয়েগুলি

ভাই বোন করি গলাগলি,

অঙ্গনেতে নাচিতেছে ওই ;

বালিকা দুয়ারে হাত দিয়ে,

তাদের হেরিছে দাঁড়াইয়ে,

৪০

ভাবিতেছে নিশ্বাস ফেলিয়ে

“আমি ত ওদের কেহ নই !

স্নেহ ক’রে আমার জননী

পরায়ে ত দেয় নি বসন,

প্রভাতে কোলেতে ক’রে নিয়ে,

৪৫

মুছায়ে ত দেয় নি নয়ন !”

আপনার ভাই নাই ব’লে

ওরে কিরে ডাকিবে না কেহ ?

আর কারো জননী আসিয়া

ওরে কিরে করিবে না স্নেহ !

৫০

ও কি শুধু দুয়ার ধরিয়া

উৎসবের পানে রবে চেয়ে,

শূন্যমনা কাঙালিনী মেয়ে !

অনাথ ছেলেরে কোলে নিবি,

জননীরা আয় তোরা সব, ৫৫

মাতৃহারা মা যদি না পায় ;

তবে আজ কিসের উৎসব !

ছারে যদি থাকে দাঁড়াইয়া

ম্লানমুখে বিষাদে বিরস—

তবে মিছে সহকার-শাখা, ৬০

তবে মিছে মঙ্গল-কলস !

রবীন্দ্রনাথ ঠাকুর

## আশাকানন

বঙ্গে সুবিখ্যাত দামোদর নদ,

ক্ষীর সম স্বাদু নীর,

বৃক্ষ নানা জাতি বিবিধ লতায়

সুশোভিত উভ তীর ; ৪

বিন্ধ্যাগিরি-শিরে জনমি যে নদ

দেশ দেশান্তরে চলে ;

সিকতা-সজ্জিত সুন্দর সৈকত

হৃদ্যোত নির্মল জলে ; ৮



পবিত্র করিলা	যে নদের কূল	
স্বকবি কঙ্কণ কবি		
ফুটায় কবিতা	কুসুম মধুর	
বাণীর প্রসাদ লভি ;		১২
যে নদ নিকটে	রসবিস্মলিত	
ভারত অমৃতভাষী		
জনমি স্কন্ধে	বাশীতে উন্নত	
করেছে গউড়বাসী ।		১৬
সেই দামোদর	তীরে এক দিন	
অরুণ-উদয়ে উঠি,		
দেখি শূন্যমার্গে	ধরণী শরীরে	
কিরণ পড়িছে ফুটি ;		২০
গগন-ললাটে	চূর্ণ-কায় মেঘ	
স্তরে স্তরে স্তরে ফুটে,		
কিরণ মাথিয়া	পবনে উড়িয়া	
দিগন্তে বেড়ায় ছুটে ।		২৪
পড়ে সূর্য্যরশ্মি	দামোদর-জলে	
আলো করি হুই কূল ;		
পড়ে তরু-শিরে	তৃণ লতা দলে	
রঞ্জিয়া প্রভাতি ফুল ।		২৮
হেরি চাকু শোভা	ভ্রমি ধীরে তীরে	
পরশি মৃহ পবন,		

সংসার-যাতনে	হৃদয় পীড়িত	
চিন্তায় আকুল মন ;		৩২
ভ্রমি কত বার	কত ভাবি মনে,	
শেষে শ্রাস্তি অভিভূত		
বসি চক্ষু মুদি	কোন বৃক্ষতলে	
ক্রমে তন্দ্রা আবিভূত ।		৩৬
ক্রমে নিদ্রাঘোরে	অবসন্ন তনু,	
পরাণী আচ্ছন্ন হয়,		
স্বপন-প্রমাদে	সংসার-ভাবনা	
পাশরিহু সমুদায় ।		৪০
ভাবি যেন কোন	নবীন প্রদেশে	
ক্রমশঃ কতই যাই ;		
আসি কত দূর	ছাড়ি কত দেশ	
কানন দেখিতে পাই ;		৪৪
অতি মনোহর	কানন রুচির	
যেন সে গগন-কোলে		
কিরণে সজ্জিত	ঈষৎ চঞ্চল	
পবনে হেলিয়া দোলে,		৪৮
বরণ হরিত	বিটপে ভূষিত	
সরল স্তম্ভর দেহ,		
বৃক্ষ সারি সারি	সাজায়ে তাহাতে	
রোপিলা যেন বা কেহ ।		৫২

- শোভে বন মাঝে            বিচিত্র তড়াগ  
প্রসারি বিপুল কায় ;  
মেঘের সদৃশ            সলিল তাহাতে  
ছলিছে মৃহল বায় ।            ৫৬
- বারি শোভা করি            কমল কুমুদ  
কত সে তড়াগে ভাসে ;  
কত জলচর            করি কলধনি  
নিয়ত খেলে উল্লাসে ;            ৬০
- ভ্রমে রাজহংস            স্নেহে কণ্ঠ তুলি,  
মৃণাল উপাড়ি খায় ;  
রোজ-সহ মেঘ            তড়াগের নীরে  
ডুবিয়া প্রকাশ পায় ;            ৬৪
- তড়াগ-সলিলে            প্রতিবিম্ব ফেলি  
কত তরু পরকাশে ;  
হেলিয়া হেলিয়া            তরঙ্গে তরঙ্গে  
ভাঙ্গিয়া ভাঙ্গিয়া ভাসে            ৬৮
- ছলিয়া ছলিয়া            বায়ুর হিল্লোলে  
তটেতে সলিল চলে ;  
উড়িয়া উড়িয়া            স্নেহে মধুকর  
বেড়ায় কমল-দলে ;            ৭২
- শ্যামা দেয় শীর্ণ            বন হুষ্ট করি  
ভ্রমে সে ললিত তান ;

প্রতিধ্বনি তার	পূরি চারি দিক্	
আনন্দে ছড়ায় গান ;		৭৬
ঝরে স্নমধুর	কোকিল-ঝঙ্কার	
সকল কাননময়,		
মধুবৃষ্টি যেন	ঘন কুহ রবে,	
শ্রুতি বিমোহিত হয় ।		৮০
হেমচন্দ্র বন্দ্যোপাধ্যায়		

## হিমালয়

অসীম নীরদ নয় ;	
ও-ই গিরি হিমালয় !	
উথলে উঠেছে যেন অনন্ত জলধি ;	
বোপে দিগ্ দিগন্তর,	
তরঙ্গিয়া ঘোরতর,	৫
প্রাবিয়া গগনাজন জাগে নিরবধি	

বিশ্ব যেন ফল পাছে  
 কি এক দাঁড়ায়ে আছে ।  
 কি এক প্রকাণ্ড কাণ্ড মহান্ ব্যাপার !  
 কি এক মহান্ মূর্তি, ১০  
 কি এক মহান্ স্ফুৰ্ত্তি,  
 মহান্ উদার সৃষ্টি প্রকৃতি তোমার !

পদে পৃথী, শিরে বোম,  
 তুচ্ছ তারা সূর্য্য সোম  
 নক্ষত্র, নখাগ্রে যেন গণিবারে পারে ; ১৫  
 সম্মুখে সাগবাস্থরা  
 ছড়িয়ে রয়েছে ধরা,  
 কটাক্ষে কখন যেন দেখিছে তাহারে ।

কত গত অভ্যাদয়,  
 কতই বিলয় লয়, ২০  
 চক্ষের উপর যেন ঘটে ক্ষণে ক্ষণে ;  
 হরহর হরহর  
 সুর নর থরথর  
 প্রলয়-পিণাক-রাব বাজেনা অবশে ।

ঝটিকা ছুরন্ত মেয়ে, ২৫  
 বুকে খেলা করে ধেয়ে  
 ঝরিত্রী গ্রাসিয়া সিদ্ধু লোটে পদতলে ।  
 জলন্ত-অনল-ছবি  
 ধব্ধ ধব্ধ জ্বলে রবি,  
 কিবণ-জ্বলন-জ্বালা মালা শোভে গলে । ৩০

কালের করাল হাসি  
 দলকে দামিনী রাশি,  
 ককড় দস্তে দস্তে ভীষণ ঘর্ষণ ;  
 ত্রিজগত ত্রাহি ত্রাহি ;  
 কিছুতেই ক্রক্ষেপ নাহি ; ৩৫  
 যোগেন্দ্র ব্যোমকেশ যোগে নিমগন !

ওই মেরু উপহাসি  
 অনন্ত বরফ রাশি  
 যুবন্ তপন করে ঝক্ ঝক্ করে !  
 উপরে বিচিত্র রেখা, ৪০  
 চাক্র ইন্দ্রধনু লেখা,  
 অলকা অমরাবতী রয়েছে ভিতরে—  
 লুকান লুকান যেন রয়েছে ভিতরে ।

ওই কিবে ধবধব

তুঙ্গ তুঙ্গ শৃঙ্গ সব

৪৫

উর্দ্ধমুখে ধেয়ে গেছে ফুঁড়িয়া অম্বর !

দাঁড়াইয়ে পাদদেশে

ললিত হরিত বেশে

নধর নিকুঞ্জ রাজি সাজে থরেথর ।

সামু আলিঙ্গিয়ে করে

৬০

শূন্তে যেন বাজি করে

বপ্ৰ-কেলি কুতূহলে মত্ত বরিগণ ,

নবীন নীরদমালা

সঙ্গে সঙ্গে করে খেলা,

দশন বিজলী-ঝালা বিলসে কেমন !

৬৫

ওই গুণ্ঠশৈল-শিরে

গুহ্যরাজি চিরে চিরে

বিকশে গৈরিক-ঘটা ছটা রক্তময় ।

তৃণ তরু লতাজাল,

অপরূপ লালেলাল ;

৬০

মেঘের আড়ালে যেন অরুণ উদয় ।

কাছে কাছে স্থানে স্থানে  
 নীচ-মুখে উচ-কাণে  
 চরিয়া বেড়ায় সব চমর চমরী,  
 সূচিকণ শুভ্র কায়  
 মা'ছি পিছলিয়া যায়,  
 অনিলে চামর চলে চ'ন্দ্রমা-লহরী ।

৬৫

কিবে ওই মনোহারী  
 দেবদারু সারি সারি  
 দেদার চলিয়া গেছে কাতারে কাতার !  
 দূর দূর আলবালে,  
 কোলাকুলি ডালে ডালে,  
 পাতার মন্দির গাঁথা মাথায় সবার ।

৭০

তলে তৃণ লতা পাতা  
 সবুজ বিছানা পাতা ;  
 ছোট ছোট কুঞ্জবন হেথায় হোথায় ।  
 কেমন পাকম ধরি,  
 কেকারব করি করি,  
 ময়ূর ময়ূরী সব নাচিয়া বেড়ায় !

৭৫



মধ্যমে ফোয়ারা ছোটে, ৮০  
 যেন ধূমকেতু উঠে,  
 করফর তুপড়ি ফোটে, কেটে পড়ে ফুল ;  
 কত রকমের পাখী  
 কলরবে ডাকি ডাকি  
 সঙ্গে সঙ্গে উঠে পড়ে, আহ্লাদে আকুল। ৮৫

জলধারা ঝরঝর,  
 সমীরণ সরসর,  
 চমকি চরস্ত-মৃগ চায় চারি দিকে ,—  
 চমকি আকাশ-ময়  
 ফুটে ওঠে কুবলয়, ৯০  
 চমকি বিদ্যুৎলতা মিলায় নিমিখে ।  
 বিহারিলাল চক্রবর্তী

### জন্মভূমি

ধন্য ধন্য জন্মভূমি আনন্দ-ভবন,  
 নয় নয় তুল্য তার নন্দন-কানন ।  
 স্বর্গ স্বর্গ করে লোকে সার তার নাম,  
 প্রকৃত স্রষ্টার স্বর্গ জনমের ধাম ।

কৃষ্ণচন্দ্র মজুমদার

—\* ৭ \*—

### দেবঘর\*

শ্রামল সুন্দর ছটা চাকু তপোবন,

স্বরগ বাতাস চুমি,

আরামে পড়েছে ঘুম,

কানন, প্রাস্তর, গিরি, পশু পাখিগণ ;

মানবের বকে বকে,

৫

কোটি জনমের স্থখে,

খুলিয়া যেতেছে যেন সুধা প্রস্রবণ !

উল্লাসে অবশ হিয়া,

পাড়িছে কি ঘুমাইয়া ?—

অনন্ত স্থখের স্রোতে ভেসে গেল মন !

১০

নয়নে জাগিছে চাকু শ্রাম তপোবন !

এখানে বহেনা বৃষ্টি মরত্তের বা'য় ?—

বৃষ্টি বা মুহূর্ত্ত পরে

ফুল হেথা নাহি ঝরে,

চাঁদিমা ঢাকে না মুখ তামসী নিশায় ?

১৫

আসি হেথা রাজাসনে—

( মলয়-সমীর-সনে )

বসন্ত, জু'দিনে বৃষ্টি চলে নাহি যায় !

\* কৈতলাখ তাঁর্থের অপর নাম 'দেবঘর' ।

এইখানে চিরতরে

পাহাড়ের স্তরে স্তরে

২০

উছলে বরষা বুঝি শত ফোয়ারায় ?

ছয় ঋতু এক সনে

ফিরে সদানন্দ-মনে,

অশোক, কদম্বফুল ফোটে গা'য় গা'য় !

ধরার বিষাক্ত বা'য়ু,

২৫

হরে যে জীবের আয়ু,

সে কভু এ দেব ভূমি ছুঁইতে না পায়,

এখানে বহে না কভু মরতের বা'য় !

হেথা শোভে “তপোগিরি” দেব-সৌধবৎ,

স্নেহ-কোল প্রসারিত,

৩০

জুড়া'তে শ্রাস্তের চিত,

গড়িয়াছে বিশ্বকারু শতশৃঙ্গ রথ !

ও বরাজে মধুমাসে

নব কিশলয় ভাসে,

কনক-কেতন রাঙা !—মাতায় জগৎ !

৩৫

এ দিকে তুলিয়া কর

“নন্দন” ভূধর-বর,

দেখায় পথিকে ডেকে ত্রিদিবের পথ !

সুবকে সুবকে তা'রা

সেজে আছে মেঘ পারা, ৪০

বিশাল বিরাট বপু উন্নত মহৎ !—

এ দেশের সবি যেন দেব চিত্রবৎ !

নিরমল শশী তারা জাগিছে আকাশে,

দেব-মন্দিরের মাঝে

শত শঙ্খ ঘণ্টা বাজে, ৪৫

দ্রবীভূত পবিত্রতা—“শিব-গঙ্গা” ভাসে !

বায়ু বহে মন্দ মন্দ,

ফুল চন্দনের গন্ধ,

ধরার মানব যেন উঠিছে কৈলাসে !

কিষ্কা শাস্তি, পবিত্রতা, ৫০

নরে দিতে অমরতা,

ছাড়ি সে অমরাবতী ভবে নেমে আসে !

কোটি কণ্ঠে ডাকে নর—

“বম্ বম্ ! হব্ হব্ !”

দিগন্ত প্রাবিত করে একই নিশ্বাসে ! ৫৫

দেখিছে অযুত নেত্রে ফুটিয়া আকাশে !

সসীম মানব-প্রাণে “অসীম” উদয়,

অসীম অনন্ত শক্তি,

অসীম অনন্ত ভক্তি ;

অনন্ত অসীম দেবে পূরিত হৃদয় ! ৬০

খুলি হৃদি, খুলি মন,  
 আয় ! ডাকি, ভাই বোন !  
 “জয় অনাথের নাথ—বৈষ্ণনাথ জয় !”

মুছি অশ্রু-মাথা আঁখি  
 প্রাণভরে সবে ডাকি, ৬৫  
 কোমল দুর্বল কণ্ঠ তাহে নাহি ভয় !  
 শিশুর করুণ ভাষে  
 স্নেহে মা ছুটিয়া আসে,  
 এক ফোঁটা অশ্রু পড়ি ভিজে বিশ্বময় !  
 অনন্তে-দিগন্ত প’র ৭০  
 এ আকুল দীন স্বর  
 উঠিবে, মিলিবে সেই চরণে আশ্রয়—  
 আয় ডাকি, ভাই বোন ! ডাকিতে কি ভয় ?

ধন্য তুমি পুণ্য ভূমি ! ধন্য দেবঘর !  
 ধন্য তুমি মহাতীর্থ ! ৭৫  
 তোমার বাতাসে চিস্ত  
 মন্দাকিনী-স্নাত যথা পূত কলেবর !  
 ভূধর নির্ঝর তব  
 অতুল সুন্দর সব,  
 প্রকৃতির লীলাকুঞ্জ এ নব প্রাস্তর ! ৮০

নগর কি রাজালয়,  
এ মাধুরী কোথা নয়,  
( কার এ উদার প্রাণ সরল সুন্দর ? )

সেথা প্রয়োজনে কাজে  
বেহাগ ভৈরবী বাজে !

৮৫

সেথা বাঁশী অর্থদাসী, সদা স্বার্থপব ।

তুমি মা ! আনন্দ ধাম,  
বুকে ভরা শিব-নাম,

সাধক-হৃদয় তুমি দেবতার ঘর !

জনতায় পরিহরি,

৮৬

তাপসীর বেশে মরি !

লুকি' আছ শাস্ত স্নিগ্ধ আশ্রম-ভিতর ।

দেবী তুমি নিরুপমা,

মায়ের অঞ্চল-সমা,

স্নেহ-মমতার গঙ্গা, সুখের নির্ঝর ।

৮৭

হেন মনে সাধ করি,

এ সৌন্দর্য্যে ডুবে মরি,

এক পলে হ'য়ে যা'ক কোটি জন্মান্তর,

ধন্য তুমি পুণ্যভূমি ! ধন্য দেবঘর !

মানকুমারী বসু

—\* ৮ \*—

## কাশী-দৃশ্য

ওই দেখ বারাণসী বিরাজিছে গগনে—

বিশাল সলিল রাশি

সম্মুখে চলেছে ভাসি,

জাহ্নবী-কোলেতে যেন হাসিছে স্বপনে ! ৭

শোভিছে সলিল-কোলে সারিসারি সাজিয়া,

শত-সৌধ চূড়া মালা

কপালে কিরণ ঢালা,

সুস্ত'পরে সুস্তবর, ৮

গবাক্ষ গবাক্ষ 'পর

কাঁধে কাঁধে বাঁধা যেন শূন্যদেশ ঘুড়িয়া !

উঠিছে সলিল-গর্ভে বারি-দর্প নিবারি

কত শিলাময় মঠ, ১২

কত অট্টালিকা পট,

জজ্বা, কটি, স্বক্ৰদেশ অর্কনীরে প্রসারি ।

শোভিছে পাষাণময়ী কাশী হের সোপানে—

শিলা-বাঁধা স্থলে জলে ১৬

সোপানের শ্রেণী চলে

উর্দ্ধদেশে সৌধশ্রেণী,

নিম্নে সোপানের বেণী

চলিছে সলিলতলে সরীসৃপ-বিধানে । ২০

না উঠিতে রবিচ্ছবি প্রাচীরের আকাশে,

কলরবে কল্ কল্

করে জাহ্নবীর জল ;

দিগন্তে সে কলরব উঠে নিশি-বাতাসে ।

১৪

প্রাণিময় যেন কুল নরদেহে চিত্রিত !

ঘাটে ঘাটে ছত্রতলে

পথে, মঠে, স্থলে, জলে,

কত বেশে নারীনর

২৮

আসে যায় নিরন্তর,

কোলাহলে কাশী যেন দিবানিশি আগ্রত ।

ওই দেখ উড়িতেছে “মাধোজীর ধরারা”

শৃঙ্গ ভেদি কাছে তার

৩২

ওই দেখ উঠে আর

দ্বিচূড়া মস্জিদ ওই, আলম্‌গীর পাহারা ।

এই দিল্লীখর ছায়া-তলে এই নগরী,

এই উচ্চ শিলা ঘাট,

৩৬

এই পাহাড়ের পাট,

শত-চূড়া অট্টালিকা,

ক্ষুদ্র যেন পিপীলিকা,

অগাধ সলিলে কিষা ক্ষুদ্র যেন সফরী ।

৪০



হের হে দক্ষিণে তার আজো বর্তমান

হিন্দুর উন্নতিছায়া

মানমন্দিরের কায়া

মানসিংহ রাজকীর্তি—খ্যাত সর্বস্থান ;

৪৪

অঙ্কিত কতই রূপ দেহেতে উহার

গ্রহাদি নক্ষত্রগতি

গণনার সুপদ্ধতি,

গ্রহণ-অয়ন-চক্র,

৪৮

পূর্ণ, খণ্ড, রেখা, বক্র,

ভারতের “গ্রীন উইচ্” ওই আগেকার ।

পড়েছে সূর্যের আলো সূর্যের কলসে,

ঝকিছে দেখ রে তায়

৫২

যেন সূর্য্য শত-কায়,

সূর্য মণ্ডিত-চূড়া——দেউলের পরশে !

কাশী-মধ্যস্থলে ওই সূর্য দেউটি—

ওই বিশ্বেশ্বর-ধাম,

৫৬

ভারতে জাগ্রত নাম ;

হিন্দুর ধর্মের শিখা,

ওই মন্দিরেতে লেখা ;

অনন্তকালের কোলে জলে ওই দেউটি !

৬০

এদিকে নদীর পারে বৃক্ষরাজি উপরে

অর্ধ বপু-উর্ধ্ব ক'রে

যেন বায়ুস্তর ধরে,

দুর্গা-মন্দিরের চূড়া বিরাজিছে অন্তরে ,

৬৪

চলেছে তাহার তলে বনরাজি-কালিমা—

শূন্য-কোলে রেখা মত

তরু শ্রেণী-সারি যত,

স্বভাবের চিত্রকরা,

৬৫

স্বভাবের শোভা-ধারা,

হরিত বরণে ঢাকা স্বভাবের প্রতিমা ।

উঠিছে অদূরে তার দ্রবময়ী-সলিলে

স্তুপাকার সৌধরাশি,—

৭২

বেন সলিলেতে ভাসি,

কোলেতে গঙ্গার মূর্তি নিন্দা করে ধবলে ।

পুরাণের ব্যাস-কাশী ছিল ওই ভুবনে,

ওই চইত্তের গড়,

৭৬

বরুজ-গম্বুজ ধড়

স্বদৃঢ় প্রস্তরে ঢাকা,

ব্যাস-মূর্তি চিত্রে আঁকা,

কাশী-রাজ নিকেতন ওই “সিংহ” ভবনে ।

৮০

হে দুর্গে, দুর্গতি-হরা, কাশীশ্বর-গৃহিণী—

ভিখারী শিবের তরে

স্থাপিলে কি মর্ত্য'পরে

এ স্তম্ভর বারাণসী, ওগো শিব-মোহিনী ? ৮৪

যাই থাক্ তব মনে, হে নগেন্দ্র-বালিকে,

মনোবাঙ্গা পূর্ণ তব,—

একত্র করিলা ভব

কাশীতলে দয়াময়ি ! দীন-দুঃখি পালিকে ! ৮৫

আমি মা ভিখারী এই ভব রাজ্য-ভিতরে,

কে দিবে আমারে ভিক্ষা—

পাব কি আমার দীক্ষা

প্রবেশিলে ওই পুরে অর্দ্ধদগ্ধ অন্তরে ? ৯২

হৃ'ধারে বরুণা অসি,

ওই কাশী—বারাণসী,

বিরাজে গঙ্গার কূলে ধ্বজা তুলে অশ্বরে ।

হেমচন্দ্র বন্দ্যোপাধ্যায়

—\* ৯ \*—

## ভারতবর্ষের মানচিত্র

- শিক্ষক। দেখ, বৎস ! সম্মুখেতে প্রসারিত তব  
ভারতের মানচিত্র ; আমা সবাংকার  
পুণ্য জন্মভূমি এই ; মাতৃস্বত্ত্বো যথা,  
এ দেশের ফলে, জলে, পালিত আমরা ।  
কর প্রণিপাত, তুমি কর প্রণিপাত । ৭
- ছাত্র। (প্রণামান্তর) অই যে চিত্রের শিরে ঘন মসী-রেখা  
পূর্ব পশ্চিম ব্যাপি' রঞ্জেছে অঙ্কিত,  
কি নাম উহার, দেব ! বলুন আমারে ।
- শিক্ষক। নহে তুচ্ছ মসী রেখা ; অই হিমাচল  
ভারতের পিতৃরূপী । জনক যেমন ১০  
স্নেহ দানে তনয়ারে পালেন আদরে,  
তেমতি এ হিমাচল হুহিতা ভারতে,  
জাহ্নবী-যমুনা-রূপা স্নেহধারা দানে,  
পালিছেন সযতনে । অই হিমাচল  
ভারতের তপঃক্ষেত্র ; কত সাধুজন, ১৫  
বিরচি আশ্রয় সেখা, পূজি ইষ্টদেবে  
লভিলা অভীষ্ট বর । সম্মুখেতে তব,  
বিজয়-মুকুট সম এ অঙ্গির শিরে,  
শোভে অই গৌরী-শৃঙ্গ । দেখ বামদিকে,  
অই বদরিকাশ্রম ; মহামুনি ব্যাস, ২০

বসি' সে আশ্রম-মাবো, রচিলা পুলকে  
 অমর ভারত-কথা । অবিদূরে তার  
 শোভিছে কেদারনাথ ; আচার্য্য শঙ্কর,  
 জীবনের মহাত্ম্য করি উদ্‌ঘাপন,  
 লভিলা সমাধি যথা । এই হিমাচল, ২৫  
 সাধু পদ-রেণু বক্ষে ধরি যুগ যুগ,  
 হইয়াছে পুণ্যভূমি ।—কর নমস্কার ।

ছাত্র । অই যে চিত্রের বামে পঞ্চ রেখাময়  
 শোভিছে হৃন্দর দেশ, কি নাম উহার ?

শিক্ষক । অই পঞ্চনদ, বংস । এই পুণ্যভূমি ৩০  
 আৰ্য্যদের আদিবাস, সাম-নির্নাদিত ;  
 কত বেদ, কত মন্ত্র, মহাঘণ্ট কত  
 পবিত্রিলা এই দেশ । এই পঞ্চনদে  
 হৃদয়-শোণিত ঢালি বীর পুরুষাজ  
 রক্ষিলা ভারত-মান । নিম্নদেশে তার ৩৫  
 দেখ রাজপুত্র-ভূমি—মরুময় স্থান ;  
 কিন্তু প্রতি শৈলে তাঁর, প্রতি নদীকূলে,  
 রয়েছে অঙ্কিত, বংস ! অমর-ভাষায়  
 বীরত্ব-কাহিনী, শত আত্ম-বিসর্জনে,—  
 প্রতাপের দেশ এই, পশ্চিমীর ভূমি । ৪০

ছাত্র । অই যে চিত্রের মাঝে কঠিবন্ধ সম  
 শোভিতেছে গিরি-রেখা, কি নাম উহার ?

- শিক্ষক । এই বিক্ষাচল বৎস । উত্তরে উহার  
 আৰ্য্যভূমি আৰ্য্যাবর্ত । উহার দক্ষিণে  
 না ছিল আৰ্য্যের বাস ; অরণ্য ভীষণ ৪৫  
 ব্যাপিয়া যোজন শত আছিল বিস্তৃত,  
 নিবিড় আঁধার পূর্ণ । মহাপ্রাণ ঋষি  
 অগস্ত্য, আৰ্য্যের বাস স্থাপিলা এদেশে ;  
 এবে জনপদ কত, পূর্ণ ধনে জনে,  
 শোভিছে এ দেশ মাঝে । এই বন-ভূমে ৫০  
 আছিল দণ্ডকারণ্য ; রঘুকুলমণি  
 পালিবারে পিতৃসত্য, জট। চীর ধরি,  
 কাটাইলা কাল যথা । পুণ্য-প্রবাহিনী  
 গোদাবরী, কল কল, মধুর নিনাদে,  
 “সীতারাম জয়” গীত গাহিয়া পুলকে ৫৫  
 এখন’ বহেন সেথা । পবিত্র এ দেশ,  
 সীতারাম-পদ-স্পর্শে । কর নমস্কার ।
- ছাত্র । গুরুদেব ! কোতূহল বাড়িতেছে মম,  
 অতৃপ্ত শ্রবণযুগ, কৃপা করি তবে  
 কোথা বঙ্গভূমি আজ দেখান আমারে । ৬০
- শিক্ষক । অই বঙ্গভূমি’, বৎস । হিমালয় আপনি,  
 মুকুট আকারে হের, শোভে শিরোদেশে ;  
 ধৌত করি পদতল বহেন জলধি ;  
 নিত্য প্রক্ষালিত পূত ভাগীরথী-জলে

“সুজলা,” “সুফলা,” “শ্যামা” ভূষারূপে তার ৬৫

হের ঐ নবদ্বীপ, শ্রীচৈতন্য যথা

হইলেন অবতীর্ণ; সাজোপাঙ্গ লয়ে,

বিতরিয়া হরিনাম, পবিত্রিলা ধরা,

অমর করিলা জীবে। পশ্চিমে তাহার

দেখ শুদ্ধতনু অই অজয়ের কূলে

৭০

শোভিতেছে কেন্দুবিষ, ধরিয়া আদরে

জয়দেব-অস্থি বৃকে ! নিম্নদেশে তার

সাগর-সঙ্গম অই, পতিতপাবনী

তরিতে সগরবংশ অবতীর্ণা যথা

মূর্ত্তিমতী দয়ারূপে। পবিত্র এ দেশ।

৭৫

কর প্রণিপাত তুমি ; বিধাতার কাছে

মাগ’ এই বর বৎস ! মাতৃসম যেন

পার পূজিবারে নিত্য বঙ্গভূমি মায়ে।

ছাত্র। বিশাল এ চিত্র দেব ! কৃপা করি তবে

দেখান দ্রষ্টব্য যদি আরো কিছু থাকে।

৮০

শিক্ষক। আছে শত শত, বৎস ! কি বর্ণিব আমি

বর্ণিলে জীবন কাল না ফুরাবে তবু ;

রত্ন-প্রস্থ মা মোদের। দেখিয়াছ তুমি

দেব-আত্মা হিমাচল ; পাদমূলে তার

দেখ শীর্ণকায়া অই বহিছে রোহিণী,

৮৫

হিমাদ্রি দুহিতা সতী। তট-দেশে তার

আছিল কপিলবাস্তু, পুণ্যময়ী পুরী  
 সিক্তার্থে ধরিয়া ক্রোড়ে । দেখ বামদিকে,  
 অর্দ্ধচন্দ্র-কায়া অই জাহ্নবীর কূলে,  
 শোভিতেছে বারাণসী ; হরিশ্চন্দ্র যথা, ৯০  
 পত্নী, পুত্র, আপনায় করিয়া বিক্রয়,  
 পালিলেন নিজ সত্য । দেখ শিপ্রাকূলে,  
 অতীত গৌরবস্মৃতি-শিলা ধরি বৃকে,  
 শোভিতেছে উজ্জয়িনী ;—বিক্রমের পুরী ;  
 বাজায়ে মধুর বাণা কালিদাস যথা ৯৫  
 গাইলা অমর গীত, ঝঙ্কার তাহার  
 এখন' উঠিছে বৎস ! দেশ-দেশান্তরে ।

কি আর অধিক কব ? সম্ভানের কাছে  
 জননীর প্রতি অঙ্গ তুল্য আদরের ;—  
 নয়নে অমৃত দৃষ্টি, কণ্ঠে মধু বাণী, ১০০  
 হৃদয়ে স্নেহের উৎস, ক্রোড় শান্তিময়,  
 করে প্রাণরূপী অন্ত, মহাতীর্থ পদ ;  
 তেমনি জানিও বৎস, ভারত ভূমির  
 প্রতি গিরি, প্রতি নদী, প্রতি জনপদ,  
 পুণ্যময় মহাতীর্থ ; আছে বিমিশ্রিত ১০৫  
 প্রতি রেণু মাঝে এর, প্রতি জলকণে  
 সাধুর পবিত্র অস্থি, সতীর শোণিত ;  
 সামান্য এ দেশ নয় । বহু পুণ্যফলে



জন্মে নর এ ভারতে । কিন্তু চিরদিন  
 রাখিও স্ববর্ণ, বৎস ! কৰ্ম্মশূণ্ণে যদি ১১০  
 নাহি পার উজ্জলিতে মাতৃভূমি-মুখ  
 বৃথায় জনম তব । কি বলিব আর,  
 তারত-সন্তান তুমি, আৰ্য্যাবংশধর,  
 ভুলিও না কোন দিন । করি আশীর্বাদ,  
 ভদ্র হও, ধন্য হও, ভারত-মাতার ১১৫  
 হও উপযুক্ত পুত্র । স্বদেশের হিত  
 ধ্রুবতারা সম নিত্য রাখি লক্ষ্য পথে  
 হও বৎস ! অগ্রসর । ভারতজননী  
 করুন মঙ্গল তব, শুভ আশীর্বাদে ।

যোগীন্দ্রনাথ বসু

—\* ১০ \*—

অন্নদার ভবানন্দভবনে যাত্রা

অন্নপূর্ণা উত্তরিল। গাঙ্গুনীর তীরে ।  
 পার কর বলি ডাকিলা পাটনীরে ॥  
 সেই ঘাটে খেয়া দেয় ঈশ্বরী পাটনী ।  
 ত্বরায় আনিল নৌকা বামাস্বর শুনি ॥  
 ঈশ্বরীরে জিজ্ঞাসিল ঈশ্বরী পাটনী ।  
 একা দেখি কুলবধু কে বট আপনি ।

পরিচয় না দিলে করিতে নারি পার ।  
 ভয় করি কি জানি কে দিবে ফের ফার ॥  
 ঈশ্বরীয়ে পরিচয় কহেন ঈশ্বরী ।  
 বুঝে ঈশ্বরী আমি পরিচয় করি ॥ ১০  
 বিশেষণে সর্বিশেষ কহিবারে পারি ।  
 জানহ স্বামীর নাম নাহি ধরে নারী ॥  
 গোত্রের প্রধান পিতা মুখবংশ জাত ।  
 পরম কুলীন স্বামী বন্দ্যবংশ খ্যাত ॥  
 পিতামহ দিলা মোরে অন্নপূর্ণা নাম । ১৫  
 অনেকের পতি তেঁই পতি মোর বাম ॥  
 অতি বড় বৃদ্ধ পতি সিদ্ধিতে নিপুণ ।  
 কোন গুণ নাহি তার কপালে আগুন ॥  
 কুকথায় পঞ্চমুখ কণ্ঠভরা বিষ ।  
 কেবল আমার সঙ্গে স্বন্দ্র অহনিশ ॥ ২০  
 গঙ্গা নামে সতা তার তরঙ্গ এমনি ।  
 জীবনস্বরূপা সে স্বামীর শিরোমণি ॥  
 ভূত নাচাইয়া পতি ফিরে ঘরে ঘরে ।  
 না মরে পাষণ বাপ দিলা হেন বরে ॥  
 অভিমানে সমুদ্রেতে ঝাঁপ দিলা ভাই । ২৫  
 যে মোরে আপন ভাবে তারি ঘরে যাই ॥  
 পাটনী বলিছে মাগো বুঝিছ সকল ।  
 যেখানে কুলীন জাতি সেখানে কন্দল ॥

শীঘ্র আসি নায়ে চড় দিবা কিবা বল ।  
 দেবী কন দিব আগে পারে লয়ে চল ॥ ৩০  
 যার নামে পার করে ভব পরাবার ।  
 ভাল ভাগ্য পাটনী তাহারে করে পার ॥  
 বসিলা নায়ের বাড়ে নামাইয়া পদ ।  
 কিবা শোভা নদীতে ফুটিল কোকনদ ॥  
 পাটনী বলিছে মাগো বৈস ভাল হয়ে । ৩৫  
 পায়ে ধরি কি জানি কুম্বীরে যাবে লয়ে ॥  
 ভবানী কহেন তোর নায়ে ভরা জল ।  
 আলতা ধুইবে পদ কোথা খুব বল ॥  
 পাটনী বলিছে মাগো শুন নিবেদন ।  
 সৈঁউতি উপরে রাখ ও রাজা চরণ ॥ ৪০  
 পাটনীর বাক্যে মাতা হাসিয়া অন্তরে ।  
 রাখিলা দুখানি পদ সৈঁউতি উপরে ॥  
 সৈঁউতিতে পদ দেবী রাখিতে রাখিতে ।  
 সৈঁউতি হইল সোণা দেখিতে দেখিতে ॥  
 সোণার সৈঁউতি দেখি পাটনীর ভয় । ৪৫  
 এত মেয়ে মেয়ে নয় দেবতা নিশ্চয় ॥  
 তীরে উত্তরিল তরী তারা উত্তরিল ।  
 পূর্ব মুখে স্থখে গজগমনে চলিলা ॥  
 সৈঁউতি লইয়া কক্ষে চলিল পাটনী ।  
 পিছে দেখি তারে দেবী ফিরিলা আপনি ॥ ৫০

সভয়ে পাটনৌ কহে চক্ষে বহে জল ।

দিয়াছ যে পরিচয় সে বুঝিছু ছল ॥

হের দেখে সঁউতিতে থুয়েছিলে পদ ।

কাঠের সঁউতি মোর হৈল অষ্টাপদ ॥

ইহাতে বুঝিছু তুমি দেবতা নিশ্চয় ।

৫৫

দয়ায় দিয়াছ দেখা দেহ পরিচয় ॥

তপ জপ জানি নাহি, ধ্যান জ্ঞান আর ।

তবে যে দিয়াছ দেখা দয়া সে তোমার ॥

যে দয়া করিল মোর এ ভাগ্য উদয় ।

সেই দয়া হতে মোরে দেহ পরিচয় ॥

৬০

ছাড়াইতে নারি দেবী কহিলা হাসিয়া ।

কহিয়াছি সত্য কথা বুঝহ ভাবিয়া ॥

আমি দেবী অন্নপূর্ণা প্রকাশ কাশীতে ।

চৈতন্যমাসে মোর পূজা শুক্ল অষ্টমীতে ॥

ভবানন্দ মজুন্দার নিবাসে রহিব ।

৬৬

বর মাগ মনোমত যাহা চাহ দিব ॥

প্রণমিয়া পাটনৌ কহিছে যোড়হাতে ।

আমার সন্তান যেন থাকে হৃদে ভাতে ॥

তথাস্তু বলিয়া দেবী দিলা বর দান ।

হৃদে ভাতে থাকিবেক তোমার সন্তান ॥

৭০

বর পেয়ে পাটনৌ ফিরিয়া ঘাটে যায় ।

পুনর্বার ফিরে চাহে দেখিতে না পায় ॥

—\* ১১ \*—

## অন্নদার জরতীবেশ

মায়া করি মহামায়া হইলেন বুড়ী ।  
 ডানি করে ভাঙ্গা লড়ি বাম কক্ষে বুড়ি ॥  
 ঝাঁকড় মাকড় চুল নাহি আদি সাঁদি ।  
 হাত দিয়া ধুলা উড়ে যেন কেয়াকাঁদি ॥  
 ডেঙ্গর উকুন নাকি করে ইলিবিলা । ৫  
 কোটি কোটি কানকোটোরির কিলিবিলা ॥  
 কোটরে নয়ন ছুটি মিটি মিটি করে ।  
 চিবুকে মিলিয়া নাসা ঢাকিল অধরে ॥  
 ঝর ঝর ঝরে জল চক্ষু মুখ নাকে ।  
 শুনিতে না পান কাণে শত শত ডাকে ॥ ১০  
 বাতে বাঁকা সর্ব্ব অঙ্গ পিঠে কুঁজভার ।  
 অন্ন বিনা অন্নদার অস্থিচর্য সার ॥  
 শত গাঁটি ছিঁড়া টেনা করি পরিধান ।  
 ব্যাসের নিকটে গিয়া কৈলা অধিষ্ঠান ॥  
 ফেলিয়া চুপড়ি লড়ি আহা উহু কয়ে । ১৫  
 জামু ধরি বসিলা বিরসমুখী হয়ে ॥  
 ভূমে ঠেকে থুঁতি হাঁটু কাণ ঢেকে যায় ।  
 কুঁজভরা পিঠদাঁড়া ভূমেতে লুটায় ॥  
 উকুনের কামড়েতে হইয়া আকুল ।  
 চক্ষু মুদি হুই হাতে চুলকানচুল ॥ ২০ ভারতচন্দ্ররায়

—\* ১২ \*—

## দ্রৌপদীর স্বয়ম্বর

দ্বিজসভা-মধ্যেতে বসিয়া যুধিষ্ঠির ।  
 চতুর্দিকে বেষ্টি বসিয়াছে চারি বীর ॥  
 আর যত বসিয়াছে ব্রাহ্মণমণ্ডল ।  
 দেবগণ-মধ্যে যেন শোভে আশুগুণ ॥  
 নিকটেতে ঋষ্টদ্রুম পুনঃ পুনঃ ডাকে । ৫  
 লক্ষ্য আসি বিক্রম যাহার শক্তি থাকে ॥  
 যে লক্ষ্য বিক্রিবে কত পাবে সেই বীর ।  
 শুনি ধনঞ্জয়, চিন্তে হইল অস্থির ॥  
 বিক্রিবে বলিয়া লক্ষ্য করি হেন মনে ।  
 যুধিষ্ঠির পানেতে চাহেন অনুক্ষেপে ॥ ১০  
 অর্জুনের চিত্ত বুদ্ধি, চাহেন ইঙ্গিতে ।  
 আজ্ঞা পেয়ে ধনঞ্জয় উঠেন দ্বরিতে ॥  
 অর্জুন চলিয়া যান ধনুকের ভিতে ।  
 দেখিয়া সে দ্বিজগণ লাগে জিজ্ঞাসিতে ॥  
 কোথাকাবে যাহ দ্বিজ, কিসের কারণ । ১৫  
 সভা হৈতে উঠি যাহ কোন্ প্রয়োজন ॥  
 অর্জুন বলেন,—যাই লক্ষ্য বিক্রিবারে ।  
 প্রসন্ন হইয়া সবে আজ্ঞা দেহ মোরে ॥  
 শুনিয়া হাসিল যত ব্রাহ্মণমণ্ডল ।  
 কতারে দেখিয়া দ্বিজ হইল পাগল ॥ ২০

যে ধনুকে পরাজয় পায় রাজগণ।

জরাসন্ধ, শল্য, দ্রোণ, কর্ণ, দুর্যোধন ॥

সে লক্ষ্য বিকিতে দ্বিজ চাছে কোন্ লাজে ।

ব্রাহ্মণেতে হাসাইল ক্ষত্রিয়-সমাজে ॥

বলিবেক ক্ষত্রযত, লোভী দ্বিজগণ ।

২৫

হেন বিপরীত আশা করে সে কারণ ॥

বহুদূর হৈতে আসিয়াছে দ্বিজগণ ।

বহু আশা করিয়াছে পাবে বহুধন ॥

সে সব হইবে নষ্ট তোমার কর্ম্মেতে ।

অসম্ভব আশা কেন কর দ্বিজ ইথে ॥

৩০

এত বলি ধরাধরি করি বসাইল ।

দেখি ধর্ম্মপুত্র, দ্বিজগণেরে কহিল ॥

কি কারণে দ্বিজগণ কর নিবারণ ?

যার যত পরাক্রম সে জানে আপন ॥

যে লক্ষ্য বিকিতে ভঙ্গ দিল রাজগণ ।

৩১

শক্তি না থাকিলে তথা যাবে কোন্ জন ॥

বিকিতে না পারিলে আপনি পাবে লাজ ।

তবে নিবারণে আমা-সবার কি কাজ ॥

যুধিষ্ঠির-বাক্য শুনি ছাড়ি দিল সবে ।

ধনুর নিকটে যান ধনঞ্জয় তবে ॥

৪০

হাসিয়া ক্ষত্রিয় যত করে উপহাস ।

অসম্ভব কার্য্যে দেখি দ্বিজের প্রয়াস ॥

সভামধ্যে ব্রাহ্মণেব মুখে নাহি লাজ ।  
 যাহে পরাজয় হৈল রাজার সমাজ ॥  
 সুরাসুরজয়ী সেই বিপুল ধনুক । ৪৫  
 তাহে লক্ষ্য বিন্ধিবারে চলিল ভিক্ষুক ॥  
 কত্যা দেখি দ্বিজ কিবা হইল অজ্ঞান ।  
 বাতুল হইল কিংবা করি অনুমান ॥  
 কিংবা মনে করিয়াছে দেখি একবার ।  
 পারিলে পারিব, নহে কি যাবে আমার ॥ ৫০  
 নিলজ্জ ব্রাহ্মণে মোরা অল্পে না ছাড়িব ।  
 উচিত যে শাস্তি হয় অবশ্য তা দিব ॥  
 কেহ বলে, ব্রাহ্মণেরে না বল এমন ।  
 সামান্য মনুষ্য বুঝি না হবে এ জন ॥  
 দেখে দ্বিজ মনসিজ জিনিয়া মূৰ্ত্তি । ৫৫  
 পদ্যপত্র যুগ্মনেত্র পরশয়ে প্রতি ॥  
 অনুপম তনুশ্যাম নীলোৎপল আভা ।  
 মুখরুচি কত শুচি করিয়াছে শোভা ॥  
 সিংহগ্রীব, বকুজীব অধরের তুল ।  
 খগরাজ পায় লাজ নাসিকা অভুল ॥ ৬০  
 দেখে চাক্র যুগ্ম ভুরু, ললাট প্রসব ।  
 কি সানন্দ গতি মন্দ মত্ত করিবর ॥  
 ভুজযুগে নিন্দে নাগে আজ্ঞাতুলস্বিত ।  
 করিকর-যুগবর জাহ্নু সুবলিত ॥



মহাবীৰ্য্য, যেন সূৰ্য্য জলদে আবৃত ।  
 অগ্নি-অংশু যেন পাংশু জালে আচ্ছাদিত ॥  
 লয় মনে এই জনে বিক্রিবেক লক্ষ্য ।  
 কাশী ভণে হেন জনে কি কৰ্ম্ম অশক্য ॥

প্রণাম করেন পার্থ ধর্ম্মের চরণে ।  
 যুধিষ্ঠির বলিলেন চাহি দ্বিজগণে ॥ ৭০  
 লক্ষ্যবেদ্ধা ব্রাহ্মণ প্রণমে কৃতাজ্জলি ।  
 কল্যাণ করহ তারে ব্রাহ্মণমণ্ডলী ॥  
 শুনি দ্বিজগণ বলে স্বস্তি স্বস্তি বাণী ।  
 লক্ষ্য বিক্রি প্রাপ্ত হোক দ্রুপদনন্দিনী ॥  
 ধনু লয়ে পাঞ্চালে বলেন ধনঞ্জয় । ৭৫  
 কি বিক্রিবে কোথা লক্ষ্য বলহ নিশ্চয় ॥  
 ধৃষ্টদ্যুম্ন বলে—এই দেখহ জলেতে ।  
 চক্র-ছিদ্রপথে মৎস্ত, পাইবে দেখিতে ॥  
 কনকের মৎস্ত, তার মাণিক নয়ন ।  
 সেই মৎস্ত-চক্ষু বিক্রিবেক যেই জন ॥ ৮০  
 সে হইবে বল্লভ আমার ভগিনীর ।  
 এত শুনি জলে দেখে পার্থ মহাবীর ॥  
 উর্দ্ধবাহু করিয়া আকর্ণ টানি গুণ ।  
 অধোমুখ করি বাণ ছাড়িল অর্জুন ॥  
 মহাশব্দে মৎস্ত যদি হইলেক পার । ৮৫  
 অর্জুনের সম্মুখে আইল পুনর্বার ॥

বিক্লিল বিক্লিল বলি হৈল মহাধ্বনি ।

ভুনিয়া বিশ্বয়াপন্ন যত নৃপমণি ॥

হাতেতে দধির পাত্র লয়ে পুষ্পমালা ।

দ্বিজেরে বরিতে যায় দ্রুপদের বালা ॥ ৯৯

দেখিয়া বিশ্বয় মানি সব নৃপমণি ।

ডাকিয়া বলিল,—রহ রহ, যাজ্ঞসেনী ॥

ভিক্ষুক দরিদ্র এ সহজে দ্বিজজ্ঞাতি ।

লক্ষ্য বিক্লিবারে কোথা ইহার শক্তি ॥

মথ্যা গোল কি কারণে কর দ্বিজগণ । ১০০

গোল করি কত্যা কোথা পাইবে ব্রাহ্মণ ॥

ব্রাহ্মণ বলিয়া চিন্তে উপবোধ করি ।

ইহার উচিত এই ক্ষণে দিতে পারি ॥

পঞ্চকোশ উর্দ্ধে লক্ষ্য শূন্যেতে আছয় ।

বিক্লিল কি না বিক্লিল কে জানে নিশ্চয় ॥ ১০১

বিক্লিল বিক্লিল বলি লোকে জানাইল ।

কহ দেখি কোথা মৎস্য কেমনে বিক্লিল ॥

তবে ধৃষ্টদ্যুম্ন সহ বহু দ্বিজগণ ।

নির্ণয় করিতে জলে করে নিরীক্ষণ ॥

কেহ বলে বিক্লিয়াছে, কেহ বলে নয় । ১০২

ছায়া দেখি কি প্রকারে হইবে প্রত্যয় ॥

শূন্য হৈতে মৎস্য যদি কাটিয়া পাড়িবে ।

সাক্ষাতে দেখিলে তবে প্রত্যয় জন্মিবে ॥

কাটি পাড় মৎস্ত, যদি আছয়ে শকতি ।

এইরূপে কহিলা যতেক দৃষ্টমতি ॥ ১১০

শুনিয়া বিস্মিত হৈল পাঞ্চালনন্দন ।

হাসিয়া অর্জুন বীর বলেন বচন ॥

অকারণে মিথ্যা দ্বন্দ্ব কর কেন সবে ।

মিথ্যা কথা কহিলে সে কতক্ষণ রবে ॥

কতক্ষণ জলেব তিলক থাকে ভালে । ১১৫

কতক্ষণ রহে শিলা শূন্যেতে মারিলে ॥

সর্বকাল দিবস রজনী নাহি রয় ।

মিথ্যা মিথ্যা, সত্য সত্য, লোকে খ্যাত হয় ॥

অকারণে মিথ্যা বলি করিলে ভণ্ডন ।

লক্ষ্য কাটি ফেলিব দেখুক সর্বজন ॥ ১২০

একবার নয়, বলি সম্মুখে সবার ।

যতবার বলিবে, বিক্রিব ততবার ॥

এতবলি অর্জুন নিলেন ধনুঃশর ।

আকর্ণ পুরিয়া বিক্লিলেন দৃঢ়তর ॥

সভাজন স্থিরনেত্রে দেখয়ে কোতুকে । ১২৫

কাটিয়া পড়িল লক্ষ্য সবার সম্মুখে ॥

দেখিয়া বিস্ময় ভাবে সব রাজগণ ।

জয় জয় শব্দ করে যতেক ব্রাহ্মণ ॥

কাশীরাম দাস

— \* ১৩ \* —

## শ্রীকৃষ্ণের বাল্যস্মৃতি

জীবনে প্রথম স্মৃতি—প্রভাতে জননী  
বাধিয়া মস্তকে চূড়া ক্ষুদ্র মনোহর,  
সাজায়ে বিচিত্র বাসে ক্ষুদ্র কলেবর,  
থাওয়াইয়া সর ননী চুষিয়া বদন,  
বলিতেন,—‘যাও বাছা কর গোটারণ ।’ ৫

শুনিতাম শিক্ষাস্থরে শ্রীদাম বলাই,  
ডাকিতেছে—‘আয় আয় আয়রে কানাই ।’  
দেখিতাম হাঙ্গারবে ডাকি গাভীগণ  
চেয়ে আছে মুখপানে স্থির ত’নয়ন ।  
পাঁচনি দক্ষিণ করে, বাম কবে বেণু, ১০  
পৃষ্ঠে শৃঙ্গ, যাইতাম চরাইতে ধেমু ।

গোপাল মহিষপাল বিচিত্র-বরণ,  
অজ মেঘ নানাজাতি উড়াইয়া ধূলি  
যাইত ; ছুটিত বেগে ক্ষুদ্র পুচ্ছ তুলি  
বৎসগণ ; যাইতাম নাচিয়া নাচিয়া ১৫  
পিছে পিছে ছুই ভাই বেণু বাজাইয়া ।

শত শত শৃঙ্গ বেণু উঠিত বাজিয়া,  
শত শত গোপশিশু মিলিত আসিয়া  
নিজ নিজ পাল সহ, সেই সম্ভাষণে,  
নবীন উৎসাহে সবে পশিতাম বনে । ২০

সকলি নবীন ;—নীল নবীন গগনে  
হাসিত নবীন রবি, নীলিমা নবীন  
ভাসিত কালিন্দী-নীল-নবীন-জীবনে ।

নবীন প্রভাতানিল বহিত কাননে,  
নবীন পল্লবে চুষ্ণি নবীন শিশির, ২৫  
নবীন কুসুমরাশি, চুষ্ণি গোবর্দ্ধনে  
নবীন কিরণে ধোত সৌন্দর্য্য নবীন ।  
প্রকৃতির নবীনতা সগু সুধাময়  
প্রভাতে করিত পূর্ণ নবীন হৃদয় ।

পশিয়া নির্বিড় বনে আনন্দে গোপাল, ৩০  
শ্রাম মকমল-সম তৃণ সুকোমলে,  
চরিত আপন মনে ; আপনার মনে,  
গাইতাম খেলিতাম গোপাল আমরা ।  
সেই গীত, ক্রীড়া-হাস্ত, মধুর পঞ্চমে,  
অনুকারি গোবর্দ্ধন আপনার মনে ৩৫  
গাইত, হাসিত যত, ব্যঙ্গ করি তত  
গাইতাম হাসিতাম আনন্দে আমরা ।  
'কুশল ত গোবর্দ্ধন !' প্রভাতে আসিয়া  
জিজ্ঞাসিলে গিরবরে—ত্রস্তে গিরিবর  
'কুশল ত গোবর্দ্ধন !' করিত উত্তর । ৪০  
শাখায় শাখায় কত শাখামৃগ মত  
ছুটিতাম খেদাইয়া একে অস্ত্র জনে,

ছলিতাম কভু শাখে ফল ফুল মত,  
কভু খাইতাম ফল ; আবার কখন  
করিতাম মধ্যাহ্নের তাপ নিবারণ ৪৫

নিবিড় ছায়ায় । তুলি কভু বনফুল  
সাজিতাম বনমালী ! কভু শৃঙ্গে উঠি  
দেখিতাম বৃন্দাবন বিশাল কানন,  
যেন ক্ষুদ্র উপবন ; রহিয়াছে ফুটি  
তৃণাহারী নানাজীব পুষ্পের মতন । ৫০

পুণ্য-অঙ্গি-পদতলে পবিত্র স্নন্দর  
পুষ্পপাত্র বৃন্দাবন, সৌধ-সুশোভিত  
শোভিত মথুরাপুরী নৈবেদ্যের মত ।

সাম্রাজে আবার বন হইত পূরিত  
সুগভীর শৃঙ্গনাদে, বেণুব ঝঙ্কারে । ৫৫

‘শামলী,’ ‘ধবলী,’ ‘লালী’ বলি উচ্চৈঃস্বরে

ডাকিত রাখালগণ, আসিত ছুটিয়া

‘শামলী,’ ‘ধবলী,’ ‘লালী,’ লইয়া বদনে

অভুক্ত তৃণের গ্রাস ; ভ্রাণিত আদরে

আপন-রাখাল-দেহ,—কত মনোহর ৬০

সে নীরব কৃতজ্ঞতা, নির্ঝাক্ উত্তর !

উড়াইয়া ধূলি, খণ্ড-জলধর মত

চলিত মস্তরে গৃহে পালে পালে পালে !

মন্দ মন্দ গরজন ঘন হাওয়া রব,

বিজলী রাখাল-বালা, গোপশিশুগণ ৬৫  
নাচাইয়া ধড়াচূড়া, পক্ষ প্রসারিত  
শোভিত আবদ্ধ হার বলাকার মত ।  
আসি স্নেহময়ী মাতা যশোদা আপনি  
গৃহের বাহিরে ঝাড়ি ক্ষুদ্র কলেবর  
কহিতেন ‘বাছা মোর ননীর পুতুল, ৭০  
পড়িছে ঝরিয়া যেন গোচারগণশ্রমে ।  
ছাড়িয়া মায়ের কোল থাকিস্ কেমনে  
কণ্টক-কাননে, ষাছ ? আমি অভাগিনী  
থাকি সারাদিন তোর পথ নিরখিয়া  
বৎসহীনা গাভী মত !’ চুষ্কিতেন মাতা ৭১  
সিক্তনেত্রে ; চুষ্কিতাম মায়ের বদন  
—স্নেহের ত্রিদিব সেই ! সন্নেহে যেমন  
চুষে পরস্পরে পদ্ম সাক্ষ্য সমীরণ ।  
কত কি যে রাখিতেন তুলিয়া আদরে ;  
খাইতাম কত কি যে ; দুই ভাই মিলি ৭২  
কহিতাম কত কথা ; শুনিতে শুনিতে  
কতই সরল গীত, স্নেহ-সন্তোষণ,  
পড়িতাম ঘুমাইয়া আনন্দে অধীর  
স্নেহের ত্রিদিব সেই অন্ধে জননীর ।

নবীনচন্দ্র সেন

— \* ১৪ \* —

## দশরথের প্রতি কেকয়ী

'এ কি কথা শুনি আজি মম্বরার মুখে,  
 রঘুরাজ ? কিন্তু দাসী নীচকুলোদ্ভবা,  
 সত্য-মিথ্যা-জ্ঞান তার কভু না সম্ভবে ।  
 কহ তুমি,—কেন আজি পূববাসী যত  
 আনন্দ-সলিলে মগ্ন ? ছড়াইছে কেহ ৫  
 ফুলরাশি রাজপথে, কেহ বা গাঁথিছে  
 মুকুল-কুসুম-ফল-পল্লবের মালা  
 সাজাইতে গৃহদ্বার—মহোৎসবে যেন ?  
 কেন বা উড়িছে ধ্বজ প্রতিগৃহচূড়ে ?  
 কেন পদাতিক, হস্ত, গজ, রথ, রথী, ১০  
 বাহিরিছে রণবেশে ? কেন বা বাজিছে  
 বণবাৎ ? কেন আজি পুরনারীব্রজ  
 মুহুমূর্হঃ ছলাছলী দিতেছে চৌদিকে ?  
 কেন বা নাচিছে নট, গায়িছে গায়কী ?  
 কেন এত বীণাধ্বনি ? কহ, দেব, শুনি, ১৫  
 কৃপা করি কহ মোরে,—কোন্ ব্রতে ব্রতী  
 আজি রঘুকুলশ্রেষ্ঠ ? কহ, হে নৃমণি,  
 কাহার কুশল-হেতু কৌশল্যা মহিষী  
 বিতরণ ধনজাল ? কেন দেবালয়ে  
 বাজিছে ঝাঁঝরি, শঙ্খ, ঘণ্টা, ঘণ্টারোলো ? ২০



কেন রঘুপুরোহিত রত স্বস্তায়নে ?  
 নিরন্তর জনশ্রোত কেন বা বহিছে  
 এ নগর-অভিমুখে ? রঘুকুলবধু  
 বিবিধ ভূষণে আজি কি হেতু সাজিছে—  
 কোন্ রঙ্গে ? অকালে কি আরন্তিলা প্রভু ১০  
 যজ্ঞ ? কি মঙ্গলোৎসব আজি তব পুরে ?  
 কোন্ রিপু হত রণে, রঘুকুলরথি ?  
 জন্মিল কি পুত্র আর ? কাহার বিবাহ  
 দিবে আজি ? আইবড় আছে কি হে গৃহে  
 হ্রহিতা ? কোতুক বড় বাড়িতেছে মনে । ৩০  
 হা ধিক্ ! কি কবে দাসী—গুরুজন তুমি,  
 নতুবা কেকয়ী, দেব, মুক্তকণ্ঠে আজি  
 কহিত—“অসত্যবাদী রঘুকুলপতি,  
 নির্লজ্জ ! প্রতিজ্ঞা তিনি ভাঙ্গেন সহজে,  
 ধর্ম শব্দ মুখে—গতি অধর্মের পথে !” ৩৫

অযথার্থ কথা যদি বাহিরায় মুখে  
 কেকয়ীর, মাথা তার কাট তুমি আসি  
 নররাজ ; কিংবা দিয়া চূণকালি গালে  
 খেদাও গহনবনে । যথার্থ যত্বপি  
 অপবাদ, তবে কহ, কেমনে ভাঁজবে ৪০  
 এ কলঙ্ক ? লোকমাঝে কেমনে দেখাবে  
 ও মুখ, রাঘবপতি, দেখ ভাবি মনে ।

ধর্মশীল বলি, দেব, বাঁবাঁনে তোমারে

দেবনর—জিতেজ্জিয়, নিত্যসত্যপ্রিয় !

তবে কেন কহ মোরে, তবে কেন শুনি, ৬৫

যুবরাজ-পদে আজি অভিষেক কর

কৌশল্যা-নন্দন রামে ? কোথা পুত্র তব

ভরত,—ভারতরত্ন, রঘুচূড়ামণি ?

পড়ে কি হে মনে এবে পূর্বকথা যত ?

কি দোষে কেকয়ী দাসী দোষী তব পদে ? ৬৬

কোন্ অপরাধে পুত্র, কহ অপরাধী ?

তিন রাণী তব, রাজা, এ তিনের মাঝে

কি ক্রটি সেবিতে পদ করিল কেকয়ী

কোন্ কালে ? পুত্র তব চারি নরমণি !

গুণশীলোত্তম রাম, কহ, কোন্ গুণে ? ৬৭

কি কুহকে, কহ শুনি, কৌশল্যা-মহিষী,

ভুলাইলা মন তব ? কি বিশিষ্ট গুণ

দেখি রামচন্দ্রে, দেব, ধর্ম নষ্ট কর,

অভীষ্ট পূর্ণিতে তার, রঘুশ্রেষ্ঠ তুমি ?

কিস্তি বাক্যব্যয় আর কেন অকারণে ? ৬৮

বাহা ইচ্ছা কর, দেব, কার সাধ্য রোধে

তোমার ? নরেন্দ্র তুমি ! কে পারে ফিরাতে

প্রবাহে ? বিতংসে কেবা বাঁধে কেশরীয়ে ?

চলিল, ত্যজিয়া আজি তব পাপপুরী

ভিখারিণীবেশে দাসী ! দেশদেশান্তরে  
 ফিরিব, যেখানে যাব, কহিব সেখানে,  
 “পরম অধর্ম্যচারী রঘুকুলপতি !”  
 গম্ভীরে অন্ধরে যথা নাদে কাদষ্মিনী,  
 এ মোর হৃৎথের কথা কব সর্বজনে !  
 পথিকে, গৃহস্থে, রাজে, কান্দালে, তাপসে,— ৭০  
 যেখানে যাহারে পাব, কব তার কাছে—  
 “পরম অধর্ম্যচারী রঘুকুলপতি !”  
 পুষি শারীশুক দৌহে শিখাব যতনে  
 এ মোর হৃৎথের কথা দিবস রজনী ; —  
 শিথিলে ও কথা তবে দিব দৌহে ছাড়ি ৭৫  
 অরণ্যে, গায়িবে তারা বসি বৃক্ষশাখে—  
 “পরম অধর্ম্যচারী রঘুকুলপতি !”  
 শিথি পক্ষিমুখে গীত গাবে প্রতিধ্বনি—  
 “পরম অধর্ম্যচারী রঘুকুলপতি !”  
 লিখিব গাছের ছালে নিবিড় কাননে, ৮০  
 “পরম অধর্ম্যচারী রঘুকুলপতি !”  
 থোদিব এ কথা আমি তুঙ্গ-শৃঙ্গদেহে ।  
 রচি গাথা, শিখাইব পল্লীবালদলে ;  
 করতালি দিয়া তারা গাহিবে নাচিয়া—  
 “পরম অধর্ম্যচারী রঘুকুলপতি ! ৮৫  
 থাকে যদি ধর্ম, তুমি অবশ্য ভুঞ্জিবে

এ কর্মের প্রতিফল । দিয়া আশা মোরে,  
নিরাশ করিলে আজি ; দেখিব নয়নে  
তব আশাবৃক্ষে ফলে কি ফল, নৃমণি !

বাড়ালে যাহার মান, থাক তার সাথে ৯০  
গৃহে তুমি । বামদেশে কোশল্যা মতিষী  
যুবরাজ পুত্র রাম ! জনকনন্দিনী  
সীতা প্রিয়তমা বধু—এ সবারে লয়ে  
কর ঘর, নববর, যাই চলি আমি ।  
পিতৃমাতৃহীন পুত্রে পালিবেন পিতা— ৯৫  
মাতামহালয়ে পাবে আশ্রয় বাছনি ।  
দিব্য দিয়া মানা তারে করিব খাটতে  
তব অন্ন, প্রবেশিতে তব পাপপুরে !

মাইকেল মধুসূদন দত্ত

—\* ১৫ \*—

## মাতৃস্মরণে খুল্লনার আক্ষেপ

নিদয়া নিষ্ঠুর হিয়া                      অভাগীরে ছাড়িয়া,  
ঘর গেলা না দিয়া বোলান ।  
খাইয়া আমার মাথা                      না শুনিলে দুখ কথা  
তোর কোলে ষাউক পরাণ ॥ ৪

হুঃখ পায়া দশ মাস                      দিলে মোরে গর্ভবাস  
কোলে কাঁথে করিলে পালন ।

নিরপেক্ষ এক দণ্ডে                      ফেলিলে অনল কুণ্ডে  
মা হৈয়া হৈলে অভাজন ॥ ৮

না শুনিলে এই কথা                      যে ঘরে লহনা সতা  
একচারী ভুখিল বাঘিনী ।

বিচারে হঠিয়া অন্ধ                      পদ গলে দিয়া বন্ধ  
ভেট দিলে খুল্লনা হরিণী ॥ ১২

জলে ঝাঁপ দিয়ে যদি                      শুকায় অগাধ নদী  
অভাগীয়ে বাঘে নাহি থায় ।

ভুজঙ্গ করিহু কোলে                      সেহ নাহি মুখ মেলে  
নিদারুণ প্রাণ নাহি যায় ॥ ১৬

এখনি শিয়রে ছিলা                      না বলিয়া কোথা গেলা  
তুয়া পায় করিহু বিদায় ।

সর্বশী মরিল যদি                      প্রাণ মোর নিল বিধি  
জল দানে হইবে সহায় ॥ ২০

উঠিয়া পর্বত পাড়ে                      নিহালয়ে ঝোপ ঝাড়ে  
দরা গিরি শিখর কানন ।

এক ঠাই কৈল ছাগ                      সর্বশীর নাহি লাগ  
বিরচিল শ্রীকবিকঙ্কণ ॥ ২৪

কবিকঙ্কণ মুকুন্দরাম চক্রবর্তী

—\* ১৬ \*—

## উত্তরার স্বপ্ন-কথন

“উত্তরে ! উত্তরে ! কই অভিমত কই ।”—

উত্তরার শিবিরেতে উদ্ধৃষ্টানে সুলোচনা

আসি উন্মানিনী প্রায় কহে স্নেহময়ী—

“উত্তরে ! উত্তবে ! কই অভিমত কই ?

শুনিয়াছি মহারণ করিতেছে দ্রোণ আজি,

উঠিয়াছে কুরুক্ষেত্রে মহা হাহাকার,

কই অভিমত কই, উত্তরে ! আমার ?”

ধরিয়া সখীর গলা, কাঁদিয়া বিরাটবালা

কহে—“ধর্ম্মরাজ আজ্ঞা পাইয়া এখন,

গিয়াছেন তথা ; কিছু নাহি জানি আর ;

কাঁদিতেছে প্রাণ মাগো ! তোর উত্তরার !

গত নিশি চন্দ্র পানে চাহিয়া চাহিয়া

হইল নিদ্রিতা যবে, দেখিলু স্বপন

ঘেরিল অভিরে সপ্ত শর্দূল ভীষণ !

দাঁড়াইয়া দৃপ্ত সিংহশিশু মধ্যস্থলে,

পরাজিত সপ্তশত্রু অপূর্ব কোশলে ।

শশাঙ্ক হইতে ধীর নর-নারায়ণ,

মনোহর পুষ্পরথে করি আরোহণ,

নামিলেন ; নিরমল রথ-জ্যোৎস্নায়

আলোকিত রণক্ষেত্র অমৃত ধারায় ।

অভিরে তুলিয়া বৃকে লইয়া আদরে ;  
 উঠিতে লাগিল রথ আকাশে মহুরে ।  
 কহিলাম,—‘দয়াময় লও উত্তরায় ।’  
 করুণ নয়নে চাহি কহিলেন হায় !  
 জগন্নাথ,—নেত্রে স্নেহ-অশ্রু দরদর— ১৫  
 ‘না, না, বৎসে ! যাবে তুমি বৎসর অন্তর ।’  
 কহিলু,—‘না, প্রাণনাথ ! ছাড়ি উত্তরায়  
 যাইও না তুমি ; ক্ষুদ্র উত্তবা তোমার  
 পারিবে না একা যেতে এতদূর হায় !’  
 জয়নাদে পূর্ণ হ’ল পৃথিবী গগন ! ৩০  
 নাচিতে লাগিল রথ বেষ্টি তারাগণ ।  
 কি সঙ্গীত, কি সৌরভ, বহিল ধবায় ।  
 একি স্বপ্ন মাগো ! অভি গেল মা ! কোথায় ?  
 নবীনচন্দ্র সেন

—\* ১৭ \*—

### বুদ্ধের উপদেশ!

একদিন বুদ্ধদেব শ্রাবস্তি নগরে  
 আছেন সশিষ্যে বসি পবিত্র বিহারে ।  
 মৃত শিশু বৃকে ক্লুষা গৌতমী জননী  
 আসি শোকাতুরা কহে—“নরনারায়ণ ।

অতুল ঐশ্বর্য্য মম হউক অঙ্গার !  
 বৈজয়ন্ত সম পুরী হউক চূর্ণিত !  
 দেও বাচাইয়া মম বুকেব সন্তান,  
 একমাত্র শিশু মম ! একমাত্র পন  
 চাহি তব পদে ভিক্ষা ! দয়াময় তুমি  
 কর দয়া এ দাসীবে । আছে মা তোমার । ১০  
 পুত্রহীনা মার হৃৎ কে বুচাবে আর ?  
 দেহ এই ক্ষুদ্র প্রাণ । দেও তই প্রাণ ।  
 নহে তব পদতলে লও প্রাণ আর ।”  
 দেখিলেন বুদ্ধদেব করুণ নয়নে  
 কি গভীর পুত্রশোক ! ভাবিলেন মনে—  
 “হায় মায়াবদ্ধ জীব কি হৃৎ দাকণ  
 সহে এইরূপে । সহে গ্ন্য জন্মান্তরে !”  
 কহিলেন—“মাতঃ ! জানি গুণদ ইহাব ।  
 অচিবে কবির তব শোক নিবারণ ।”  
 আনন্দে মায়ের প্রাণ উঠিল নাচিয়া,  
 শুদ্ধহৃদে প্রবাহেব হইল সঙ্গার ।  
 আনন্দ-অগ্নিতে ভাসি ধূলি ধূসরিত,  
 পড়িল চরণে পুনঃ আনন্দ বিবশা ।  
 কহিলেন, বুদ্ধদেব—“উঠ মাতঃ । যাও,  
 জান গিয়া মুষ্টিমেয় সরিষা কেবল !”  
 সামান্য সরিষা ! হায় ! দ্বিগুণ অধার



হইল আনন্দে প্রাণ কৃষ্ণা গৌতমীর ।  
 চলিল সে রুদ্ধশ্বাসে ; আছে শু পাকার  
 সরিষা তাহার গৃহে । কহিলেন দেব,—  
 “সর্বপ সে গৃহ হ’তে আনিও কেবল, ৩০  
 যেই গৃহে কেহ মাতঃ ! মরেনি কখন ।”  
 মৃত পুত্র বক্ষে কৃষ্ণা মাগিলা সরিষা  
 গৃহে গৃহে, কিন্তু হয় ! মিলিল না গৃহ  
 যেইখানে মৃত্যু নাহি করেছে প্রবেশ,  
 আলায়েছে শোকানল । হইল অতীত ৩৫  
 নিষ্ফল ভিক্ষায় দিবা । ধীরে সন্ধ্যাদেবী  
 আসিলেন ; আসিলেন ধীরে নিশীথিনী,  
 অবসন্ন শোকাতুবা নির্জন প্রান্তরে  
 বসিল উদাস প্রাণে । খুলিল তাহার  
 জ্ঞানের নয়ন ধীরে । দেখিল জগৎ ৪০  
 নিশীথিনী ছায়া মত কৃষ্ণা ভয়ঙ্করী  
 মৃত্যুছায়া-সমাচ্ছন্ন । কত শত পুত্র  
 মরিয়াছে, মরিতেছে ! কত পুত্র-চিতা  
 জলিছে মানব-বক্ষে, শত সংখ্যাতীত,  
 ওই মহানগরের দীপালোক মত । ৪৫  
 ধীরে ধীরে নিশীথিনী হইল গভীর ;  
 নিবিল সে দীপালোক । মৃত পুত্র ক্রোড়ে  
 উদাসিনী আছে বসি পূর্ণ আত্মহারা ।

দৈববাণী মত কণ্ঠ কহিল গম্ভীরে—

“দেখ মাতঃ ! হায় । ওই দীপালোক মত ৫০

মানব জীবনালোক জ্বলি অন্তঃকর্ণ,

যায় মিশাইয়া পুনঃ গভীর আধারে

আপনার কৰ্মফলে । কৰ্মফলে তব

গিয়াছে চলিয়া পুত্র । যাইবে আপনি,

আপনার কৰ্মচক্রে কর অনুসার ।” ৫৫

নবীনচন্দ্র সেন

— \* ১৮ \* —

## লক্ষ্মণের শক্তিশেল

চেতন পাঠিয়া নাথ কহিলা কাতরে,

“রাজ্য ত্যজি বনবাসে নিবাসিনু যবে

লক্ষ্মণ, কুটীরদ্বারে নিত্য নিশাকালে,

ধনু করে, হে সুরধ্বনি ! জাগিতে সতত

তুমি ! আজি রক্ষঃপুরে অরি-মাঝে আমি ৫

বিপদ-সলিলে মগ্ন ; তবুও ভুলিয়া

আমায়, হে মহাবাহু, লভিছ তুতলে

বিরাম ! রাখিবে আজি কে, কহ আমারে ?

উঠ বলি । কবে তুমি বিরত পালিতে

ভ্রাতৃ-আজ্ঞা ? তবে যদি মম ভাগ্যদোষে— ১০

চির ভাগ্যহীন আমি—তাজিলা আমারে  
প্রাণাধিক, কহ শুনি, কোন্ অপরাধে  
অপরাধী তব কাছে অভাগী জানকী ?  
দেবর লক্ষ্মণে স্মরি রক্ষঃ-কারাগারে  
কাঁদিছে সে দিবানিশি ! কেমনে ভুলিলে— ১৫

ভাই, কেমনে তুমি ভুলিলে হে আজি  
মাতৃসম নিত্য যাবে সেবিতে আদরে !  
হে রাঘবকুলচূড়া, তব কুলবধু  
রাখে বাধি পৌলস্ত্যে ! না শাস্তি সংগ্রামে  
হেন দুষ্টমতি চোরে, উচিত কি তব ২০

এ শয়ন—বীরবীৰ্য্যে সৰ্ব্বভুক্‌সম  
দুৰ্ব্বার সংগ্রামে তুমি ? উঠ, ভীমবাহু,  
রঘুকুল-জয়কেতু ! অসহায় আমি  
তোমা বিনা, যথা রথী শূন্তচক্রে রথে ।

তোমার শয়নে হনু বলহীন, বলি, ২১  
গুণহীন ধনু যথা ; বিলাপে বিষাদে  
অধীর কর্করোত্তম বিভীষণ রথী,  
ব্যাকুল এ বলিদল, উঠ, স্বরা করি,  
জুড়াও নয়ন, ভাই, নয়ন উন্মীলি ।

কিন্তু ক্রান্ত যদি তুমি এ দুরন্ত রণে, ৩০  
ধনুর্ধর, চল ফিরি যাই বনবাসে ।

নাহি কাজ, প্রিয়তম, সীতায় উদ্ধারি  
অভাগিনী ! নাহি কাজ বিনাশি রাক্ষসে ।

তনয়বৎসলা যথা স্নমিত্রা জননী

কাদেন সরযুতীরে, কেমনে দেখাব

৩৫

এ মুখ, লক্ষণ, আমি তুমি না ফিবিলে

সঙ্গে মোর ? কি কহিব, সুধাধেন যবে

মাতা, 'কোথা বামভদ্র, নয়নেব নগি

আমাব, অলুজ তোব ?' কি বলে বুঝাব

উন্মিলা বধুরে আমি, পূর্ববাসী জনে ?

৬

উঠ বৎস ! আজি কেন বিমুখ হে তুমি

সে ভ্রাতাব অনুরোধে, যাব প্রেমবশে

রাজ্যভোগ ত্যজি তুমি পশিলা কাননে ?

সমহঃখে সদা তুমি কাদিতে হেরিলে

অশ্রুস্রব এ নয়ন, মুজিতে যতনে

অশ্রুধারা ; তিতি এবে নয়নেব জলে

আমি, তবু নাহি চাহ তুমি মোব পানে

প্রাণাধিক ? হে লক্ষণ, এ আচাব কভু

( স্নভ্রাতৃবৎসল তুমি বিদিত জগতে ! )

সাজে কি তোমাবে, ভাই, চিবানন্দ তুমি

আমার ? আজন্ম আমি ধর্ম্মে লক্ষা করি,

পূজিছ দেবতাকূলে—দীলা কি দেবতা

এই ফল ? হে রজনী ! দয়াময়ী তুমি,

শিশির-আসারে নিত্য সরস কুসুমে  
 নিদাঘার্ভ, প্রাণদান দেহ এ প্রস্থনে ! ৫৫  
 সুধানিধি তুমি, দেব সুধাংশু ! বিতর  
 জীবনদায়িনী সুধা, বাঁচাও লক্ষ্মণে,  
 বাঁচাও করুণাময়, ভিখারী রাখবে ।  
 মাইকেল মধুসূদন দত্ত

—\* ১২ \*—

### প্রমীলার চিতারোহণ

উতরি' সাগরতীরে রচিলা সঙ্করে  
 যথাবিধি চিতা সবে ; বহিল বাহকে  
 সুগন্ধ চন্দনকাষ্ঠ, ঘৃত ভারে ভারে ।  
 মন্দাকিনী-পূতজলে ধুইয়া যতনে  
 শবে, স্কোেষেয় বস্ত্র, পরায়ে রাখিল ৫  
 দাহস্থানে রক্ষোদল ; পড়িলা গম্ভীরে  
 মস্ত রাজপুরোহিত ; অবগাহি' দেহ  
 মহাতীর্থে, সাধ্বী সতী প্রমীলা সুন্দরী,  
 খুলি' রত্ন-আভরণ বিতরিলা সবে ।  
 প্রণমিলা গুরুজনে মধুরভাষিণী, ১০  
 সম্ভাষি মধুর ভাষে দৈত্যবালাদলে,

কহিলা ;—“লো সহচরি, এত দিনে আজি

ফুরাইল জীবলীলা অদৃষ্টের ফলে

আমার ! ফিরিয়া সবে যাও দৈতাদেশে !

জানা’ও পিতার পদে প্রণাম আমার,

১।

কহিও মায়েরে মোর”—হায় রে, বহিল

সহসা নয়নজল ; নীরবিলা সতী ;—

কাঁদিল দানববালা হাহাকার রবে ।

মুহূর্ত্তে সম্বর’ শোক কহিলা সুন্দরী ;—

“কহিও মায়েরে মোর এ দাসীর ভালে

২০

লিখিল বিধাতা যাহা তাই লো ঘটিল

এত দিনে । বাঁ’র হাতে সঁপিলা দাসীরে

পিতা মাতা, চলিল লো আজি তাঁর সাথে ;—

পতি বিনা অবলার কি গতি জগতে ?

আর কি কহিব সখি, ভুলোনা লো মোরে—

২৫

প্রমীলার এই ভিক্ষা তোমা সবা কাছে ।”

চিতায় আরোহি সতী ( পুষ্পাসনে যেন ! )

বসিলা আনন্দমতি পতি-পদতলে ;

প্রকুল কুসুমদাম কবরী-প্রদেশে ।

বাজিল রাক্ষস-বাণ, উঠে উচ্চারিলা

৩০

বেদ বেদী ; রক্ষোনারী দিলা ছলাছলি ;

সে রবের সহ মিশি’ উঠিল আকাশে

হাহারব । পুষ্পবৃষ্টি হইল চৌদিকে ।

অগ্রসরি' রক্ষোবাজ কহিলা কাতরে ;—

“ছিল আশা, মেঘনাদ, মুদিব অন্ধিমে ৩৫

এ নয়নদ্বয় আমি তোমার সম্মুখে ;

সঁপি রাজ্যভার, পুত্র, তোমায়, করিব

মহাযাত্রা । কিন্তু বিধি—বঝিব কেমনে

তার লীলা ? ভাঁড়াইলা সে সুখ আমারে ।

ছিল আশা, রক্ষঃকুল-বাজসিংহাসনে, ৪০

জুড়াইব আঁখি, বৎস, হেরিয়া তোমাবে,

বামে রক্ষঃকুললক্ষ্মী রক্ষোরাণীরূপে

পুত্রবধু ! বৃথা আশা ! পূর্বজন্ম-ফলে

হেরি তোমা দোহে আজি এ কাল-আসনে !

কৰ্ণর-গৌরব ববি চির-রাহুগ্রাসে ! ৪৫

সেবিত্ত শিবেরে আমি বহু ভক্তি কবি'

লভিতে কি এই ফল ? কেমনে ফিবিব,—

হায় রে কে ক'বে মোরে,—ফিরিব কেমনে

শূত্র লঙ্কাধামে আর ? কি কথা বলিয়া

সান্ত্বনিব মায়ে তব, সন্তান-বৎসলা ? ৫০

'কোথা পুত্র, পুত্রবধু আমার ?' সুধা'বে

যবে রাণী মন্দোদরী,—'কেমনে আইলে

রাখি দোহে সিন্ধুতীরে, রক্ষঃকুলপতি ?'—

কি ক'রে বুঝা'ব তা'রে ? হায় রে কি ক'রে ?

হা পুত্র ! হা বীৰশ্রেষ্ঠ ! চিরজয়ী রণে । ৫৫

হা মাতঃ রাক্ষস-লক্ষ্মী ! কি পাপে লিখিলা  
এ পীড়া দারুণ বিধি রাবণের ভালে ?”

সহসা জলিল চিতা । সচকিতে সবে  
দেখিলে আগ্নেয় রথ ; স্রবণ আসনে  
সে রথে আসীন বীর বাসববিজয়ী  
দিবামুদ্রি । বামভাগে প্রমীলা সুন্দরী,  
অলম্ব-যৌবনকাস্তি শোভে তনুদেশে ;  
চিবসুখ-ছাসিরশি মধুব অধরে ।

৬৫

উঠিল গগন-পথে রথবর বেগে ;  
বরষিলা পুষ্পাসার দেবকুল মিলি’  
পূবিল বিপুল বিশ্ব আনন্দ-নিনাদে ।

৬৫

দুগ্ধধারে নিবাইল উজ্জল পাবকে  
রক্ষোদল ; মহা যত্নে কুড়াইয়া সবে  
ভস্ম, অশ্রুশিতলে বিসর্জিলা তাহে ।  
ধোত কবি’ দাহস্থল জাহ্নবীর তলে  
লক্ষ রক্ষঃশিল্পী আশু নিশ্চিল মিলিয়া  
স্বর্ণ-পাটিকেলে মঠ চিতার উপরে ;—  
ভেদি’ অভ্র, মঠচূড়া উঠিল আকাশে ।

৭০

করি’ স্নান সিদ্ধু-নীরে রক্ষোদল এবে  
ফিরিল লঙ্কার পানে, আর্জ অশ্রু-নীরে !  
বিসর্জি’ প্রতিম’ যেন দশমী-দিবসে ।

৭৫

সপ্ন দিবানিশি লক্ষা কাদিল বিষাদে ।—মধুসূদন দত্ত



—\* ২০ \*—

## বৃত্তসংহার

হেথা মহাসুর বৃত্ত জয়ন্ত উদ্দেশে  
 ছুটে ঝটিকার গতি ; হেরি মহারথ  
 কাঙ্ক্ষিকৈয় আদি সুর রক্ষিতে কুমাৰে,  
 চলাইলা দিব্য ঘান বেগে দ্রুততর ;  
 ছুটিলা অনল, দিবাকর অম্বুপতি, ৫  
 বায়ুকুলপতি প্রভঞ্জন ভীম দেব,  
 করাল অন্তকমুণ্ডি যম দণ্ডধর ।  
 জ্বালাময় তিন চক্ষু, ভীষণ হুঙ্কারি  
 দাঁড়াইল দৈত্যরাজ, সুররথিগণে  
 হেরি দূরে ! হেরি দৈত্যে, যম দণ্ডধর ১০  
 কালিম জ্বলদবর্ণ, ঘোর স্বরে ভাষি,  
 কহিলা অমরবৃন্দে—“হে দেব সেনানি,  
 শ্রান্ত সবে বহু রণে যুঝিলা তোমরা,  
 ক্ষণকাল লভ হে বিশ্রাম—আমি যুঝি  
 দৈত্যরাজে ক্ষণকাল আজি ।” চাহি তবে ১৫  
 সন্মোখিলা বৃত্তাসুরে—“হে দানবপতি  
 পরেত-পতিরে আজি ভেট রণভূমে ।”  
 প্রেতপতি বাক্যে বৃত্ত দুর্জয় হুঙ্কারি  
 কহিলা “হে ধর্মরাজ, এত যদি সাধ  
 যুঝিতে বৃত্তের সহ—ধর দণ্ড তবে ; ২০

হের দেখ রাধিহু ত্রিশূল, আজি ইহা  
 না ধরিব অস্ত্র দেব রণে, ইন্দ্রহুতে  
 কিবা ইন্দ্রে না আঘাতি আগে ।\* পার্শ্বদেশে  
 বিক্ষিলা ভৈরব শূল মনঃশিলাতলে  
 দৈত্যপতি ; ভীম গদা ধরিলা সাপটি, ২৫  
 ঘুরাইলা ঘন স্বনে ; ঘুবাঠিলা যম  
 প্রচণ্ড করাল দণ্ড । ছুই করী যেন  
 বনমাঝে রণমদে করে করাঘাত,  
 তেমতি আঘাতে দৌছে দৌড়া ! দণ্ড গদা  
 প্রহারে বিদৌর্ণ নভঃস্থল ; ঘোর রব ৩০  
 উঠিল গগনে, ঘূর্ণ পাকে ডাকে বায়ু,  
 চূর্ণ মনঃশিলা চারি চরণ-ঘর্ষণে ।  
 দণ্ডযুদ্ধে বিশারদ দৌছে, কেহ নারে  
 নিবারিতে পারে ; ভ্রমে নিরস্তর ঘুরি  
 ছুই ঘন মেঘ যেন শূন্যে ভয়ঙ্কর । ৩৫  
 প্রেতরাজ কালদণ্ড ঘর্ষবে ঘুরায়  
 আঘাতিল ভীমাঘাত বৃত্ত-মুষ্টি তলে ।  
 সে আঘাতে ফিরে দণ্ড— ফিরে বৃত্তগদা  
 গজদন্ত বিনির্মিত । তখন অশ্রুর  
 বামঙ্কল শমনের ভীষণ বেগেতে ৪০  
 করিল প্রচণ্ডাঘাত গদা ঘুবাঠিরা ।  
 বমরাজ বসিলা আঘাতে ভয়ঙ্করি,

দ্রুম যথা ছিন্নমূল পড়ে মড় মড়ি ।  
 তুলিলা তখন দৈত্য ভয়ঙ্কর শূল  
 লক্ষ্য করি জয়ন্তের বিচিত্র পতাকা, ৪৫  
 দিলা রড় দেবরথিগণ ঝড়বেগে  
 হেরি সে ভীষণ অস্ত্র । দূব হ'তে হেরি  
 চালাইলা পুষ্পক বিমান ইন্দ্রদেশে  
 মাতলি,—ছুটিল রথ ঘনদলে দলি  
 ঘর্ঘর নিনাদে ঘোর ত্রিদিব চমকি ; ৫০  
 জয়ন্তেব রথমুখে পথ আচ্ছাদিয়া  
 দাড়াইল ক্ষণকালে । বিদ্যাতের গতি  
 বাসব অমরনাথ ছাড়ি সে শ্রুন্দন,  
 আরোহিলা উচ্চৈঃশ্রবা অশ্বকুলেশ্বর ।  
 শোভিল সুনীল তনু তনুচ্ছদ ভেদি, ৫৫  
 গুল্ল অত্র ভেদি যথা শোভে নীলাশ্বর !  
 স্ফটিক জিনিয়া স্বচ্ছ সুদিব্য কবচ,  
 শিরস্ত্রাণ—দৃঢ় জিনি কঠিন অয়স ;  
 অগূর্ধ্ব কিরণছটা কিরীট আকারে  
 বেড়েছে নিবিড় কেশ—আভা ছড়াইয়া ৬০  
 স্বর্ণমেঘমালা ঘেন ঘেরেছে মস্তক !  
 জলিছে সহস্র অক্ষি ।—ভীষণ দন্তোলি ।  
 শূন্তে তুলি সুরনাথ অশ্ব আরোহিলা ।  
 উঠিলা নক্ষত্রগতি উচ্চৈঃশ্রবা হয়

মহাশূত্র ভেদ করি , সুরমের ছাড়িয়া  
উচ্চ এবে দৈত্য-বপু -নগেন্দ্র সদৃশ ,  
বক্ষঃ সমস্থিত্তে তাব পক্ষ প্রসারিয়া  
স্থির হৈলা অশ্বপতি—ডাকিল দস্তোলি  
শত জীমূতের মস্ত্রে বাসবেব করে ।

হেরি ঘোর ঘন স্বরে ভীষণ অশ্রব  
কহিলা নিনাদি উচ্চে—“হা, দস্তৌ বাসব,  
ভাবিলে রক্ষিবে স্মৃতে বৃত্তের প্রহারে !  
কর তবে এ শূল-আঘাত সংবরণ  
পিতা পুত্র দুই জনে ।”—বেগে দিলা ছাড়ি ।

ছুটিল ভৈরব-শূল ভীমমূর্তি ধরি  
মহাশূত্র বিদারিয়া, কালাগ্নি জ্বলিল  
প্রদীপ্ত ত্রিশূল অঙ্গে ! হেনকালে. ( হান,  
বিধির বিধান গতি কে পারে বুঝিতে,  
বাহিরিল শ্বেতবাহু কৈলাসের পথে  
সহসা নিমানমার্গে, শূল মধ্যস্থলে  
আকর্ষি অদৃশ্য হৈল নিমেষ ভিতরে !  
অদৃশ্য হইল শূল মহাশূত্র কোলে !

হেরিয়া দক্ষপতি কাতর হৃদয়  
কহিলা কৈলাসে চাতি, দীর্ঘশ্বাস ছাড়ি,  
“হা শম্ভু, তুমিও বাম !”—দক্ষ হতাস্বাসে  
ছুটিলা উন্মত্তপ্রায় হৃদ্ধারি ভীষণ,

ছিন্নমস্তা রাহু যেন ! অগ্নিচক্রাকার  
 ঘুরিল ত্রিনেত্র ঘোর—দন্তে কড় নাদ !  
 প্রলয় ঝটিকা গতি আসিয়া নিকটে  
 প্রসারি বিপুল ভুজ ধরিল সাপটি ২০  
 ইন্দ্রকরে ভীম বজ্র—উচ্ছিন্ন করিতে  
 অস্তবর । বজ্রদেহে জ্বালা ধক্ ধক্  
 জ্বলিতে লাগিল ভয়ঙ্কর ! সে দহন  
 মহাসুর না পারি সহিতে গেলা দূরে  
 ছাড়ি বজ্র ; ঘোর নাদে বিকট চীৎকারি, ২৫  
 লক্ষ লক্ষ মহাশূণ্ডে ভীম ভুজ তুলি  
 ছিড়িতে লাগিলা গ্রহনক্ষত্রমণ্ডলী,  
 ছুড়িতে লাগিলা ক্রোধে—বাসবে আঘাতি,  
 আঘাতি বিষমাঘাতে উচ্চৈঃশ্রবা হয় ।  
 ব্রহ্মাণ্ড উচ্ছিন্ন প্রায়—কাঁপিল জগৎ ১০০  
 উজাড় স্বর্গের বন—উড়িল শূণ্ডেতে  
 স্বর্গজাত তরুকাণ্ড ! গ্রহ, তারাদল  
 খসিতে লাগিল যেন প্রলয়ের ঝড়ে !  
 উছলিল কল সিক্ত, কত ভূমণ্ডল  
 খণ্ড খণ্ড হৈল বেগে—চূর্ণ রেণু প্রায় ! ১০৫  
 সে চীৎকারে, সে কম্পনে বিশ্ববানী প্রাণী  
 চন্দ্র, সূর্য্য, শূণ্ড, গ্রহ, নক্ষত্র ছাড়িয়া,  
 ছুটিতে লাগিল ভয়ে, রোধিয়া শ্রবণ,

কৈলাস, বৈকুণ্ঠ, ব্রহ্মলোকে !—যে প্রলয়ে

স্থির মাত্র এ তিন ভুবন !—মহাকাল

১১০

শিবদূত কৈলাস ছয়ায়ে নন্দী দ্বারী

কাঁপিতে লাগিল ভয়ে ! কাঁপিতে লাগিল

ব্রহ্মলোকে ব্রহ্মার তোরণ ঘন বেগে !

কাঁপিল বৈকুণ্ঠদ্বার ! ঘোর কোলাহল

সে তিন ভুবন মুখে, ঘন উচ্চৈঃস্বরে—

১১৫

“হে ইন্দ্র, হে সুরপতি, দন্তোন্মি নিক্ষেপি

বধ বৃত্তে—বধ শীঘ্র—বিশ্ব লোপ হয় !”

এতক্ষণ সুরপতি ইন্দ্র সে দৃষ্টিযোগে

ছিল হতচেত-প্রায়—বিশ্বকোলাহলে

স্বপনে জাগ্রত যেন বজ্র দিলা ছাড়ি ;

১২০

না ভাবিলা, না জানিলা ছাড়িলা কখন !

ছুটিল গর্জ্জিয়া বজ্র ঘোর শূন্যপথে,

উনপঞ্চাশৎ বায়ু সঙ্গে দিল যোগ,

ঘোর শব্দে ইরশ্বদ অগ্নি অঙ্গে মাখি,

আবর্ত পুঙ্কর মেঘ ডাকিতে ডাকিতে

১২৫

ছুটে লাগিল সঙ্গে ; সূমের উজলি

ক্ষণপ্রভা খেলাইল ; দিম্বগুল যেন

ঘোর সঙ্গে সঙ্গে ঘুরিয়া চলিল !

ঘুরিতে ঘুরিতে বজ্র চলিল অশ্বরে

যেখানে অসুরপতি বিশাল শরীর,

১৩০

বিশাল নগেন্দ্র তুলা, ভীষণ আঘাতে  
পড়িল বৃত্তের বক্ষে,— পড়িল অস্তর,  
বিক্ষাধরাধর যেন পড়িল ভূতলে !

বহিল বিরুদ্ধ শ্বাস ত্রিভুবন যুড়ি ।

বহিল বৃত্তের শ্বাসে প্রলয়ের ঝড়

১৩৫

“হা বৎস, হা রুদ্রপীড়” বলিতে বলিতে

মুদিল নয়নত্রয় হুর্জয় দানব ।

দহিল ঐন্দ্রিলা-চিত্ত প্রচণ্ড হতাশে,

চিরদীপ্ত চিতা যথা ! ব্রহ্মাণ্ড যুড়িয়া

ভ্রমিতে লাগিল বামা—উন্মাদিনী এবে !

১৪০

হেমচন্দ্র বন্দ্যোপাধ্যায়











